

東
華
續
錄

東華續錄

同治十五

臣王先謙敬編

臣張式恭恭校

冬十月庚辰朔頒同治二年時憲書每歲皆如之○諭內閣駱秉章奏官軍進攻龍窰場疊獲大勝首逆就擒一摺逆首李永和卯得嶼自八角寨敗竄龍窰場負嵎死拒經駱秉章飭令提督胡中和等督飭各營弁勇晝夜潛壕築柵四面合圍閏八月十八日夜聞賊眾拌死突圍疊次撲犯官軍營壘總兵何勝必等督隊徹宵力戰槍礮齊施連日殲斃逆賊甚眾賊勢屢挫奔潰回巢二十一日藩司劉蓉馳抵軍營與胡中和籌商設伏誘賊出巢作一鼓殲擒之計二十二等日該逆復分犯各營均經官軍扼剿該逆迄不能脫二十五日逆首勢蹙潛至豬市坡胡中和等帶領親兵先至

坡下並分派弁兵伏山背總兵蕭慶高等見逆首均已出巢急督各隊分撲賊營賊勢不支官軍當將龍洞埂等處賊巢一律焚毀左右伏兵齊起逆首李永和卽李短搭搭卯得輿均立時就擒胡中和復飭將弁將張家溝等處賊巢焚毀殲戮無遺並救出被脅難民六百餘人逆首李永和等均經訊明正法勦辦甚屬得手賂秉章督飭各軍將積年悍賊悉數殄滅洵屬調度有方深堪嘉尚著交部從優議敘雲南提督胡中和著賞穿黃馬褂劉蓉著交部從優議敘○諭議政王軍機大臣等前有人奏風聞苗沛霖欲統逆練一二萬人往投勝保恐到陝後勾結回匪肆行無忌請飭堵截等語又有人奏勝保自去春督師直東以至入皖入陝所過州縣非索餽千金或數千金不能出境稍有羈畱官民尤困隨營之妓

甚多供億之資不少又有人奏勝保上年督兵直隸路過衡水悅
民間女子招至營中閱看又縱容委員濫賣功牌至今直省拏獲
騎馬賊多帶有勝營翎頂執照本日又有人奏勝保以一寒士自
帶兵以來家貲驟富姬妾眾多揆厥由來總由濫保取賄賂虛勇
冒口糧勒派充私囊本年督兵赴皖挈帶眷屬同行女眷大轎有
數十乘聞四眼狗家眷亦爲勝保所有等語以上勝保貪漁欺罔
各劣款係近日節次有人參奏情節大同小異似非虛誣僧格林
沁久駐河南安徽交界處所見聞自必較確著卽按照所參各款
據實覆奏再據本日多隆阿奏報內有風聞苗練陸續已入潼關
之語著僧格林沁仍遵前旨迅速相機堵截令其回皖幫同剿捻
如不遵理諭卽派兵剿擊毋任一人一騎入陝多隆阿一軍不日
可抵潼關前有旨令其堵截苗練該大臣可卽咨照會商辦理將

此由六百里加緊密諭知之○諭英桂奏朝邑縣城危急請撥重

兵救援一摺前因陝省同朝一帶緊要諭令勝保親自出省前往
布置嗣據成明馳奏逆回攻撲朝邑並以桂愛仁王茂蔭等均各
馳奏回匪分擾華陰朝邑潼關喫緊各情復經嚴諭該大臣剋日
親往調撥動兵迅籌戰守見據英桂奏稱逆回已將朝邑城西民
寨攻破並於縣城西北紮營四面圍困潼關以西復有大股滋擾
是該處情形萬分喫緊勝保身爲統帥豈不知同朝地方緊要成
明兵單且不得力儻或該城有失逆回散漫河西東擾晉疆南與
潼關之賊聯成一片晉豫兩省勢皆震動中原腹地爲患何可勝
言乃勝保於前次奏報馬家堡獲勝摺內其同朝糧盡援絕情形
並無一語提及且必俟涇陽等處得手始行馳赴東路是直棄同
朝於度外該大臣受國厚恩委以關中重任乃於東路軍情視同

隔膜奉嚴諭竟若罔聞實堪痛恨著卽迅速調撥勁兵親赴東
路迅解朝邑城圍力籌掃蕩以贖前愆儻再遷延不進致令該城
有失必將勝保從重治罪決不寬貸無謂朝廷屢次優容寬典遂
可倖邀也其晉省沿河一帶英桂已添備礮船於朝邑口岸往來
巡哨卽著認真嚴密扼要防堵毋得稍有疏虞將此由六百里各
諭令知之○諭多隆阿奏行抵樊城督軍進剿陳德才大股賊匪
並密陳聞勝保遣員迎調苗練陸續已入潼關見在添兵遵旨赴
陝一摺據稱前授荊州副都統薩薩布由陝西差弁至楚詢悉勝
保曾遣總兵傅崇武前往壽州迎調苗練風聞該練陸續已入潼
關等語此事前經寄諭僧格林沁鄭元善毛昶熙等派兵沿途攔
截該大臣等如果先期遵旨辦理或可阻其西行苗練此時是否
已入潼關似亦尙未確定日前惟有風聞苗練不帶鍋帳將欲赴

陝之信而河南等省近日亦未見奏報惟該將軍刻下須由唐仙鎮折回前往潼關扼截路隔一千餘里誠屬鞭長莫及如該將軍所籌此事關繫非細不可緩圖又不可操之太急均屬洞中機宜著卽就近將總兵藍斯明等三營之兵迅行調取統率赴陝萬勿刻遲一俟行抵陝境如苗練尙未入關自可迎頭堵截卽使該練時已到關該將軍務當觀其動靜相機辦理總期設法暫行籠絡駕馭俾不至驟成巨患方爲妥善該練恃有勝保爲護符思乘回匪之亂入關肆其狡謀見在陝回勢正鴟張該將軍抵陝卽須將該省軍情妥密籌畫應卽如何與雷正綰分路勦辦雷正綰所部各軍是否足以獨當一面於該將軍未到以前能否通盤顧及一切機宜均須早爲籌定於行抵陝境卽行飛速奏聞至所請明降諭旨仍命該將軍一軍專辦陳得才股匪以安苗練之心亦屬有

見第恐陝省匪徒見之愈無忌憚轉致從而生心本日已於寄信
勝保諭旨內將該將軍專辦陳得才一節敘入諒苗練亦必卽有
聞知且較明發諭旨更爲密速亦可使其心志暫安不復疑慮矣
藍斯明之兵如調到需時多隆阿卽先率所部星馳赴陝務期早
日入關以占先著多隆阿所帶之兵尙虞單薄可卽咨商僧格林
沁派兵協助見據賂秉章奏報龍輦場賊巢已破川省軍情漸覺
有緒已諭該督於楚軍兵勇暫緩裁撤趕辦石逆等股竣事後亦
可調撥入陝援助多隆阿聲望素著此時尤當軍威強盛所向克
捷卽苗練等亦必望而知畏加之控御不難矣將此由六百里加
緊密諭知之○諭官文奏遵旨察看情形多隆阿一軍驟難拔營
東下見擬酌撥何紹彩馳赴江南策應一摺該大臣顧全大局畛
域不分深可嘉尙著卽飭令何紹彩統率所部馳赴江南大營聽

侯曾國藩唐訓方調遣多隆阿一軍見已入楚仍應駐紮楚豫之交專勦上游髮捻以通豫西驛路而固楚北藩籬兼可扼阻秦關外犯之賊該營將士冒暑遠征奔馳萬里朝廷念其勤勞不忍重加更調楚豫軍事方殷卽應責成該將軍實力勦辦惟潼關十分緊急哈連陞被回逆擁去尙無下落楚豫軍情見在稍鬆該將軍自應懷遵疊次諭旨力顧潼關不能拔隊東征刻下楚省賊勢若何何紹彩率軍東下見有各軍是否足敷分布並著通盤籌畫務當謀出萬全未可顧此失彼將此由六百里諭令知之○諭駱秉章奏官軍進圍龍寯場疊獲大勝首逆就擒全股殄滅一摺覽奏甚爲欣慰李卯二逆伏誅餘匪無一得脫龍寯場一股業已肅清惟石逆由川竄黔若不趕緊殲除恐死灰復然辦理又多棘手疊經諭令駱秉章派兵出境會合夾擊諒已遵辦著卽添調得勝兵

勇探明楚黔邊防何處喫緊即由信差馳報務將積年巨寇殲滅毋貽後患郭刀刀一股前據勝保奏餘匪不過千餘人竄入寶雞鳳縣山中恐復竄回川境或與洋縣踞匪合併著即責成易佩紳一軍盡力搜剿無任再有勾結其鶴遊坪踞匪攻剿尚未蒞事前此兵力不敷是以未能迅速剿除見在川南軍務漸已就竣亟宜添兵剿辦該督卽酌量調遣務當乘此聲威迅卽掃除以期一律肅清其洋縣踞匪是否尙須分兵助攻並著酌度辦理總之精銳之軍易散難聚楚黔軍事方殷各營勇丁斷不可遽行裁撤俾資調撥另片奏林自清請假回籍所畱勇丁四百餘名已經張亮基在瀘州就近資遣回籍內滇練二百餘名撥赴唐友耕行營編入哨隊等語林自清旣願甯川效力何以忽行請假回籍其中有無別情著駱秉章據實覆奏林自清所統練眾雖經散遣恐復勾結

生事並著知照潘鐸張亮基隨時查察防範將此由六百里諭令知之尋奏林自清在川張亮基慮其日久生隙諭令回籍當卽請假出境並無別情報聞○諭韓超等奏勦辦石阡等處賊匪續獲勝仗並請飭湖南暫緩撤兵就近借撥軍火各摺片石阡思南銅仁思州等府屬匪徒經各官軍進攻疊破賊巢並將逆首田餘三生擒正法石阡思南道路疏通著韓超卽乘此聲威迅飭各路帶兵員弁將餘匪力加掃除見在天柱等城甫經克復匪黨四竄若楚師驟撤勢必勾結苗匪復行滋擾著毛鴻賓卽飭管帶楚師鎮將畱駐黔疆會同黔軍進剿苗匪爲一勞永逸之計前據毛鴻賓奏稱擬調周洪印戈鑑兩軍移銅仁勦辦張家寨賊匪見在黔省副將慶瑞已督兵進攻張家寨著毛鴻賓卽飭周洪印帶兵迅赴該處會同黔軍速行掃蕩黔省下游各營需用軍火若由貴陽省

垣運解道阻且長緩難濟急見當攻勦喫緊之時著毛鴻賓由湖南就近借撥火藥五萬斤小鉛九五萬斤火繩五萬盤運解黔省下游應用石逆股匪竄入黔境韓超等前已分派兵勇截勦如該逆被黔軍堵扼勢必東竄楚疆毛鴻賓務宜分撥兵勇於楚黔交界處所扼要嚴防毋令乘隙闖入邊境本日據駱秉章奏生擒逆首李短搭搭等匪是四川軍務大有起色已諭令駱秉章迅移得勝之師會合楚黔各軍將石逆一股卽籌殄滅著毛鴻賓韓超飭令統兵大員實力扼勦共殲醜類毋貽後患將此由六百里各諭令知之○申禁給放甲米抑勒等弊○予貴州陣亡遊擊羅思治等祭葬世職○辛巳李鴻章奏逆匪以我軍旣克嘉定必乘勢進勦崑蘇僞募王聽王等糾合蘇州嘉興杭州各處踞賊十餘萬由崑山水陸並進迎拒我師一股由安亭竄方泰鎮圖撲南翔以絕

嘉定後路一股由蟠龍竄四江口圖撲黃渡以截青浦來路九月十二三等日北路一股竄近南翔十五日臣令遊擊銜吳建瀛帶隊紮南翔之北臣帶本標親兵及副將郭松林等營均向南翔之西路鈔擊各逆見我軍分路並進向東狂奔其方泰鎮賊經郭松林帶千總李長樂縱馬直入賊隊往來衝殺李長樂手刃三十餘賊逆勢披靡遊擊黃中元參將徐有昇大隊踵至分投擒斬追殺十餘里生擒一百餘名吳建瀛亦於方泰鎮西北攻破賊卡二處生擒逆匪多名內有偽宿衛天軍主將一名訊明正法其南路一股約七八萬人先於初七日自蟠龍鎮至四江口對岸排列遊擊鄭國魁參將劉士奇督隊迎擊總兵程學啟由黃渡帶隊助剿賊勢稍卻該逆又自蘇州陸續添到礮船百餘隻民船千餘隻水陸並進十四日該逆連夜於三江口四江口環紮賊營五座並偷搭

浮橋渡江內竄將劉士奇鄭國魁及參將張光泰水陸各營層層圍裹十五日程學啟等各帶隊伍援剿開放槍礮斃賊多名該逆陣勢甚厚屢擊不散鄭國魁劉士奇兩營均被圍困劉士奇被洋礮子打穿右耳仍裹創督守青浦西北之洋新涇等處賊勢亦熾黃翼升派總兵王東華等分師船爲三隊由青浦進援自督親兵繼進逆賊遂擁前來各營且戰且進將至白鶴江見兩岸賊眾一二萬扼斷隘口該處河窄隄高行駛不便黃翼升督隊將附近小橋拆斷阻賊來路始收隊回青臣又派李鶴章等乘南翔北路賊勢稍減抽出江橋五成隊伍由紀王廟前往黃渡與程學啟合軍援擊以期迅殄逆氛又奏連日訊據獲賊供稱李秀城畱僞暮王聽王黨眾十數萬分守蘇嘉各屬謂嘉定青浦若被官軍克復定必死力來援以拒我軍此次傾巢出竄悍而且眾我軍水陸各營

東援西剿應接不暇然誓師苦戰斷無輕棄青嘉兩城之理惟提
臣黃翼升函稱十六日白鶴江之役賊眾船單幾致失利蘇州嘉
興青浦各來路河湖紛歧警報並至必須添調船隻併力堵擊督
臣曾國藩前派總兵李朝斌帶水師三營赴滬察看形勢旋即駛
回金陵該提督請將見駐三江營之淮揚水師副將蔡東祥等營
調赴青浦以厚兵力查都興阿前調廣東紅單船四十號早經陸
續過滬正可協助江防且大股賊匪上援金陵甯國下援青浦嘉
定江面情形稍鬆應將蔡東祥等二營仍歸黃翼升統帶調遣以
資策應而備攻剿又奏疊准督臣曾國藩咨函以大股援賊腐集
金陵攻撲官軍濠壘自閏八月二十日至今更番撲晝夜不息
請派總兵程學啟一軍雇坐輪船趕赴金陵援剿等情查偽忠王
李秀城率領各股逆眾上犯蔓延甚廣臣早爲默慮惟相距較遠

兵力較單必當設法派兵援剿曾國藩發函時尙未知嘉定克復程學啟已調紮黃渡前敵見在僞暮王聽王各黨恐我軍乘勢入蘇糾合蘇常杭嘉守賊十餘萬由崑太水陸並進圖撲黃渡四江口頭敵營盤程學啟督所部二千餘人晝夜搏戰十餘日尙未解圍臣處各軍赴救不遑若令程學啟遠去松滬更危惟查有三品頂戴白齊文接管華爾常勝軍此次攻克嘉定尙能出力該軍四千餘人打仗向稱奮勇火器亦極整齊臣已飭署藩司蘇松太道吳煦前蘇松糧道楊坊督同白齊文趕緊籌措行裝乘坐輪船駛往金陵協力援應由督臣曾國藩妥爲調遣上諭議政王軍機大臣等逆賊以官軍旣克嘉定必將乘勢進剿蘇崑糾合蘇杭嘉興各處踞賊十餘萬水陸迎拒據李鴻章奏稱賊分兩路圍撲南翔黃渡官軍將北路之賊於陸家行方泰鎮疊加剿擊南路賊勢

尤眾參將劉士奇等連日苦戰尙未得手經李鴻章抽調北路官軍前往合擊卽著激勵各營兵勇將三江口等處之圍併力援解並卽將青浦西北白鶴江等處之賊痛加剿洗務使青浦等城勿致得而復失金陵援賊麇集攻撲官軍營壘相持日久塵念時深曾國藩所調程學啟一軍旣因賊眾圍撲黃渡四江口營盤晝夜搏戰不能前赴金陵之援李鴻章飭吳煦楊坊督帶白齊文接管華爾之常勝一軍添備船隻駛往援應可資得力白齊文以外國人隸歸中國出力剿賊亦具真心此軍到金陵後曾國藩卽督飭曾國荃等善爲駕馭大股逆匪上援金陵甯國下援青浦嘉定江面情形稍鬆都興阿前調之廣東紅單四十號已經陸續過滬著都興阿催提並督飭帶領水師員弁實力巡緝以助江防卽將淮揚水師蔡東祥歐陽利見二營飭令迅赴青浦歸黃翼升統帶併

力堵擊曾國藩李鴻章仍將金陵松滬近日軍情隨時具奏以慰
馳念將此由六百里各諭令知之○僧格林沁國瑞奏臣等於九
月十三日親督馬步各隊進攻亳州迤東劉集捻首蘇添幅老巢
牆峻濠深猝難攻取我軍於十四日用礮轟塌寨內房屋甚多恐
該逆乘夜逃竄派投誠之宋濬沅帶領降眾在彼巡守該逆果於
十五日五更時竄出向南逃遁經宋濬沅帶隊截殺我軍馬隊趕
到乘勢進攻擁入該寨殺賊多名當將劉集克復是日劉集迤南
之觀音堂踞賊亦聞風南遁我軍追至觀音堂迤南十里之蔣集
地方該逆膽敢糾眾來撲翼長舒通額等帶領馬隊奮力衝擊賊
始敗退遁入蔣集我軍卽於十七十九二十等日疊次進攻旋探
得逆首張落刑等復由蔣集迤南之廟集等處率黨來援當經舒
通額等帶領馬隊擊退尙未能痛加勦洗臣等自移營劉集以來

亳州東南及渦河兩岸大小圩寨從賊擒匪每日俱有來營投誠者亦有棄寨逃走者營總富和總兵黃開榜稟稱宿州永城東南一帶亦有來營投誠各寨均准薙髮歸止查投誠寨內有崔莊擒圩匪首任心桃稟稱花旗擒首雷彥見赴西路打糧任心桃將其家屬送交亳州收押以冀該逆卽早來歸免在西路滋擾伏思用兵之道招降最難蓋招降必須駕馭得法安置合宜日後接辦得人方無後患刻下雖懾以兵威將來仍須地方官妥爲辦理善後見在亳州迤東糧道可望疏通臣已委員管帶各投誠勇目及選擇降眾之強壯者驅之使前令其立功贖罪俾以匪攻匪互相爲仇不致再行糾合爲患復嚴飭地方官及團練紳董經理降寨防守事宜廣設耳目明查暗訪設有匪眾滋事擾害良民卽飛報臣營酌量辦理至將來官兵撤後自應分別安插惟在地方文武認

眞經理可冀日久相安但必須忠正廉能精明幹練之員足當斯任應由撫臣秉公遴選委用賢員方克有濟見在亳州東北一帶捻巢雖經臣等克復多寨而毫永蒙宿賊寨尙多捻首張落刑又自劉集迤南率黨仍思抗拒亟應節節進剿以期迅殲醜類至西甯毫捻見探得姜台凌王懷義等在武關迤東被多隆阿大軍擊敗已於本月十四五日由南路潛行回巢容再酌量情形相機剿辦又奏欽奉諭旨以勝保調撥苗練赴陝令臣妥爲阻止查苗沛霖前經臣疊次札飭令其帶練進剿捻巢以冀其殺賊立功並令定於何處與臣面見用投進剿機宜乃據英翰稟報苗沛霖面稱仍往展溝剿除捻巢屬令該員轉稟等情是苗沛霖並不來營面見又有道人赴陝求勝保調遣之事其爲心懷疑懼已可概見見在該練並無西行之信未便豫爲阻止致啟猜嫌臣已將進剿毫

揔情形札知苗沛霖卽詢以何日由何路進隊勦揔見在攻克何處揔巢約計何時可以攻至宿亳與官軍會合仍責令將勦揔情形隨時飛報便知真僞接鄭元善來文以陝州稟報總兵博崇武到州持有護照飭調苗練赴陝擬俟博崇武到洛後再行面詢情形等因是博崇武未到之先苗練不能前往博崇武抵洛之後卽可由鄭元善阻其往調臣仍俟苗沛霖如何稟覆再行覈辦上諭亳州進東揔巢林立該大臣見紮劉集進攻蔣集賊寨著卽飭令舒通額乘勝備攻節節進剿該大臣督軍深入自以疏通糧道爲先誠恐各揔首窮極思變很命來撲必須步步爲營自立不敗之地再圖進攻方爲勝算各寨投誠匪眾擇其精壯者派員統帶俾充前敵尤得以賊攻賊之法至所稱將來官兵撤後必須忠正廉明地方官妥爲辦理實屬要言已諭知唐訓方鄭元善慎選賢

良妥辦善後其雲谷山棍匪既經德楞額於山下四面紮營斷其水道諒無難卽日攻克著催令迅卽攻拔毋稍耽延另片奏苗練並無西行消息未便豫爲阻止致啟猜嫌不如仍用羈縻之法責令進剿捻巢所辦甚是惟苗沛霖始而與該大臣約期稟見繼以往展溝剽捻爲詞並未來見復遣人赴陝求勝保調營其爲心懷疑懼顯而易見該大臣所稱如苗沛霖實係帶練剿捻則無另有反側接鄭元善來文俟博崇武到洛面詢各情是博崇武未到之先苗練不能前往博崇武抵洛之後卽可由鄭元善阻止等語苗沛霖雖云隨剿捻巢並未實在出力謂爲必無反側已難憑信該練如堅欲西行未必定俟博崇武來調恐其暗中調隊裝扮官軍陸續西去是亦不可不防設使該練潛行調隊西行亦非鄭元善毛昶熙所能阻止仍應由該大臣嚴密訪查於籠絡之中時寓防

維之意如有舉動著隨時迅速具奏本日據毛昶熙奏探聞博崇武已由會興鎮渡河由北岸行走恐其已抵苗營可卽由該大臣傳博崇武到營將迎護苗練入陝一層嚴諭阻止本日並諭知鄭元善飭令該鎮前赴該大臣軍營矣至調苗練進剿擒匪不妨開誠布公使之不疑如苗沛霖立有功績由該大臣奏請加恩開復朝廷無不俯允諒該大臣操縱機宜必能權衡悉當也將此由六百里諭令知之○諭僧格林沁之軍自肅清臺北擒巢後復將毫東之劉集觀音堂等處攻克軍威甚振據稱該大臣自移營劉集以來亳州東南渦河兩岸從賊圩寨每日俱有來營投誠者均經准予薙髮歸正刻下雖懼以兵威其善後事宜仍須地方官妥爲辦理等語亳州一帶爲羣捻匯萃之區該處百姓亦皆爲朝廷赤子祇以從前地方官吏未能撫循遂致爲賊驅迫見在僧格林沁

移師進剿各圩寨紛紛歸正已由該大臣將投誠勇目降眾委令
前驅立功自贖惟撫馭居民安插降眾全在地方文武認真經理
懲犯於初起消患於未萌方能日久相安不至大軍一撤復萌叛
志且該大臣見督軍深入賊境解散脅從疏通餉道尤爲第一要
著設已無圩寨地方官吏處置未能得宜致逆捻復行句煽尤於
大營餉道關繫非輕鄭元善身任封圻唐訓方見署撫篆於皖豫
善後事宜均各責無旁貸務須秉公遴選擇其廉能幹練之員加
之委任與該處團練紳董將一切布置事宜妥爲辦理務使歸正
良民悉行樂業如有潛萌叛志者仍當不動聲色密爲訪拏以靖
地方本日毛昶熙奏遵旨阻截苗練摺內有苗練並未西行博崇
武見由會興鎮北走等語著鄭元善卽飛飭博崇武先赴僧格林
沁軍營聽候辦理仍一面確探苗練行蹤遵旨攔截毋令西行將

此由六百里各諭令知之○諭勝保等奏督軍馳赴潼關籌勦東西兩路回匪並請調苗練各摺片西路逆回屢受懲創勢已稍衰其由高陵等處來犯之賊復經官軍擊敗殲斃甚多乘此破竹之勢自可漸次得手惟東路同郡賊勢甚眾朝邑被圍潼關又爲賊眾圍困城中見無主將深恐兵民心亂爲賊所乘勝保見已抽撥兵勇親赴華陰潼關調度攻勦惟同朝一帶情形萬緊勝保自不得專顧華渭置同朝於不顧著卽懷遵疊次諭旨親督兵勇迅赴朝邑力解城圍一面分兵兼顧潼關將該處城圍援解再行相度機宜進勦各處以期先清東路力顯大局該大臣見帶兵二千五百名東行恐兵勢尙單不敷分布仍著於西路各軍內酌量調赴東路以厚兵力毋得恃勝輕敵致誤事機同朝如有疏虞惟該大臣是問所需月餉自應由陝省籌撥卽著該大臣傳知瑛榮令其

按月撥給毋許推諉苗練赴陝助剿一節前已飭令該大臣速行
檄止該練見已悔罪輸誠朝廷亦寬其既往予以自新若如所奏
願爲朝廷效力豈赴陝可云效力在皖遂不能效力耶且官軍若
能攻克回巢則回匪所據之貲財糧米皆可藉資軍餉又何必苗
練始能因糧於賊殊不可解聞該練尙在皖省未動而勝保所遣
之博崇武聞已由河北前往苗圩調令往陝著卽懷遵前旨迅將
博崇武撤回並檄止苗練入陝儻固執前見陽奉陰違縱令該練
西行必仍將勝保從重治罪決不寬貸懷之將此由六百里諭令
知之○壬午諭內閣國家愛養小民常賦之外從無苛派近因各
路用兵直省紳民感朝廷二百餘年厚澤深仁捐輸軍餉踴躍爭
先雖地方被賊蹂躪而該紳民等仍復樂輸恐後敵愾同仇深堪
嘉尙在該紳民等尊君親上原不希冀恩澤而朝廷借資民力必

當立予獎敘以酬其報效之忱近來各外省積習相沿民間繳捐後因大吏升遷無定一經交卸卽置高閣接任之地方官漫不經心不復催辦以致獎勵虛懸是小民急公奉上而地方官不以上聞何以鼓民心而昭激勸且各省地方大吏受恩優渥偶有助捐軍餉無不仰邀恩澤並有移獎子弟者而小民轉致向隅殊失事理之平著各路統兵大臣及直省督撫遇有紳民捐輸軍餉者隨時分案奏請交部獎勵其前此已捐未經請獎之紳民等並著督飭委員迅速查明覈給獎敘毋稍稽延將此通諭知之○諭譚廷襄勦淄川踞匪○癸未賜史天祥等四十三人武進士及第出身有差○諭議政王軍機大臣等毛鴻賓奏官軍克復修仁並掃蕩大小青山賊屯一摺張逆遁回蓮塘該處高山壁立不可攀援出入止一小徑該逆連築三卡耕種如常悍賊不下萬餘軍械礮火

均極充足毛鴻賓擬先將桂嶺老縣各要隘賊卡攻克以斷外援復得熟悉徭情深知路徑者安撫徭人使爲我用解散黨與約期並進所籌尙屬周妥蓮塘地雖險峻尙能耕種究不能給萬眾之食若能斷其外援則賊勢必蹙著毛鴻賓卽飭江忠義迅將桂嶺老縣等處攻克以期會合進剿黔省逆首姜映芳前據毛鴻賓韓超所奏情節各歧諭令該撫等確切查明茲據毛鴻賓奏稱姜逆因同知吳自發等捕拏甚急繞赴署清江協副將曹元興營中乞降該逆爲積年巨愆屢次勾結苗匪竄踞城池今懾於兵威力竭乞降難保不另滋事端著韓超迅速密查如投誠非出自真心卽行擒拏妥辦斷不可稍存姑息儻將來別有反側惟韓超是問將此由六百里各諭令知之尋韓超奏首逆姜映芳委係生擒正法惟先有伊黨楊大祿投誠之事楚師傳聞訛誤致奏報情形互異

報聞○甲申諭議政王軍機大臣等譚廷襄奏勦辦教幅各匪情形並蘭費光棍回竄各摺片覽奏均悉譚廷襄見飭前敵各營進紮昌平山下環攻恐投順之人反覆無常一意進剿匪首李八等籍隸郛城見已派參將定順帶馬隊馳往費縣平邑集以杜教匪東竄署副將范正坦駐軍平邑集之東北兼扼幅匪東竄並飭蘭費各文武各帶原隊將著名匪寨逐漸圍攻隨剿隨撫以圖次第廓清所籌均尙周妥卽著譚廷襄督飭各軍實力進攻迅殲醜類毋畱餘孽所稱約計三冬必期蕝事足見該撫力求報稱迅速圖功如能剋期埽蕩俾京省民生得資休息實屬深慰座系惟克沂等屬教幅各匪此拏彼竄肅清非易該撫務當體察情形認真督辦不可專聽各營稟報致爲屬員所欺粉飾養癰轉貽後患於無窮也將此由五百里諭令知之○諭總理各國事務衙門奏請飭

勞崇光前往貴州查辦事件暨請飭劉長佑與各外國妥爲聯絡
消患未萌各等語本日業經明降諭旨令勞崇光馳驛前往貴州
查辦事件矣前以田興恕在貴州殺害教民一案曾經疊次諭令
寄諭崇實勞崇光駱秉章密查據實具奏該總理各國事務衙門
復經奏明崇實素爲洋人信服請將此案卽由崇實辦理以專責
成是以本日復明降諭旨宣示所有四川貴州兩省教民案件統
交崇實秉公覈辦駱秉章毋庸會辦勞崇光接奉此旨著卽剋日
由粵前往貴州將此案會同崇實妥爲辦理該前督更事最久沈
毅有爲亦必能設法調處得宜也勞崇光初到廣東卽能挺身入
城外國人欽其膽略平素於外國交涉事件亦能推誠相與故該
公使等頗深悅服劉長佑於到任後務於廣東交涉外國各事件
妥爲聯絡誠信相與使之佩服黃贊湯業已由京赴粵劉長佑將

廣西軍務妥爲交代迅卽起程抵任後均卽妥商辦理並著勞崇光將一切機宜與各外國如何定議訓練兵丁保護省城未竟各事宜告之劉長佑黃贊湯以便接辦如劉長佑黃贊湯等到任尙需時日卽行詳細告知晏端書先行照辦勞崇光接奉此旨亦卽前赴該省毋稍遲誤粵省河南地方有匪首黃金籠等聚眾謀逆前據勞崇光奏已訪拏正法當經寄諭該前督以其餘黨必多恐與高州等處匪徒暗地勾連務於省城內外嚴密布置並添調戰船妥爲防範該將軍督撫等務須確實查明妥速備禦劉長佑於何時可抵新任迅速奏聞勞崇光起程後晏端書暫署總督篆務不得存五日京兆之心於地方一切應辦事件稍涉疏忽致干罪戾昨有旨令前給事中蘇廷魁前巡撫曾望顏卽行來京由吏部帶領引見該二員見均在籍卽著該督撫等飭令速卽來京毋或

遲延將此由六百里各諭令知之○以晏端書暫署兩廣總督

由左

副都御史署

○命前任兩廣總督勞崇光仍以頭品頂帶馳往貴州查

辦事件○命成都將軍崇實辦理四川貴州兩省教民案件○乙

酉諭內閣前因鄭元善奏參署河南臬司洪貞謙帶兵遷延並捏報地方肅清請撤兵回省等情當經降旨毋庸署理按察使並先行交部議處茲據多隆阿奏稱洪貞謙屢報打仗情形均屬不實又報在新店鋪地方擊賊獲勝經多隆阿密查並無出隊之事洪貞謙以監司大員經朝廷特簡署理河南臬司並令帶兵勦賊宜如何激發天良力圖報效方爲不負委任乃遷延日久並未出隊輒敢以打仗獲勝捏詞稟報似此居心巧詐實屬溺職孤恩記名按察使洪貞謙著卽行革職以示懲儆○曾國藩奏僞侍王李侍賢大股由浙江趕至金陵與僞忠王合力猛撲更番疊進迄未休

息至九月十二日兩處地道同時轟發土石上飛賊眾踰牆而進前者既殲後者復登曾國荃督飭諸將竭力堵禦搶險三時缺口幸均堵住擊斃悍賊極多十三日以後賊餒少衰白晝不甚環攻夜間仍輪流偏撲連紮百餘壘於官軍營濠之外相距不過二十丈復開地道三處希圖一逞自閏八月二十日起計堅守已滿一月曾國荃所受槍傷漸已結痂軍心尙屬完固大局可期平穩惟前此各營病卒未痊近又傷亡一千餘人若無大枝勁旅從外夾擊深恐難以解圍甯國賊目黃汶金胡鼎汶等久盤踞於高嶺梅嶺新河莊等處時竄灣沚紅楊樹一帶意圖鈔我糧路張運蘭病未痊愈堅守郡城之內鮑超病體痊愈卽擬將高嶺梅嶺之賊痛剿數次以挫兇鋒其前在甯國縣城失守者爲降將韋志俊洪容海兩部鮑超見亦飭其收集潰散重整隊伍隨同進剿甯郡一路

軍情漸可得手自閏月中旬大股猛撲金柱關又分股上犯蕪湖自東壩搶過之賊船亦腐聚於金柱關上下官軍守金柱關者水陸僅羅逢元朱南桂彭楚漢丁泗濱等營兵力不厚九月十八日朱南桂與守蕪湖之周萬倬吳坤修等營由龍山橋暗渡合水師齊進痛勦陸師自青山包鈔而上將羣賊蹴偪落水溺斃不少水師奪賊礮船五十餘號從此賊舟無窺伺大江之慮而內河之灣汴三汊河亦均有官軍戰船扼守至臣前調王可陞一軍馳赴雨花臺幫同防守厥後王可陞帶三營先赴金陵畱兩營仍防蕪湖前因蕪湖事勢已鬆即將兩營全行拔去又前調上海之程學啟一軍因防守黃渡要區不能抽動李鴻章擬調洋將白齊文一軍來援金陵都興阿未接臣咨僅接曾國荃一函立派楊心純等千八百人渡江協防實屬力顧大局前調浙江之蔣益澧一軍旋接

左宗棠復函因日內正攻龍游湯溪兩城功在垂成礙難抽撥他往蔣益澧既不能棄湯溪而換防甯國則鮑超亦不能棄甯國而先援金陵徵兵千里之外本難處處應手至李世忠一軍臣前咨調渡江由孝陵衛北路而來夾擊偽忠王一股旋因該提督來文有江防空虛南賊分股北竄之說臣卽飛咨止調令其專防北岸九洲洲一帶又因該提督來文有挑選精壯萬餘派員統援金陵之說臣又咨令自行酌量力難兼顧則專防北岸力能兼顧則分援南岸聽其自爲裁奪金陵十二日之戰金柱關十八日之戰容俟接到稟牘另行詳報 上諭議政王軍機大臣等曾國藩奏彙報近日軍情一摺賊匪圍攻曾國荃營盤見仍開挖地道冀圖一逞該營損折不少必得大支勁旅從外夾擊方能解圍見在都興阿已派楊心純帶兵渡江李鴻章復派吳長元帶坊統帶白齊文常

勝軍四千人赴援金陵前據官文有調撥何紹彩六營赴援江南之奏若各軍陸續趕到內外夾擊必可立解重圍常勝軍雖非該大臣所願調然既已赴援卽須加意籠絡俾人知感奮自能所向有功如其情形驕悍卽嚴飭吳煦等妥爲鈴束李世忠有挑選精壯萬餘派員統援金陵之說該大臣咨令自行裁奪固爲合宜惟袁甲三見在將次離營李世忠一軍曾國藩仍應妥爲籠絡令其心有繫屬以便奮勉圖功本日據袁甲三奏李世忠擬派記名提督董占品統帶萬餘人渡江助剿曾國荃以近日軍情已鬆毋庸再行撥隊答覆已諭袁甲三飭令該提督力勦九洑洲能將該處攻拔朝廷自必立加懋賞以獎其功卽著曾國藩傳諭李世忠知悉至蔣益澧旣因龍游湯溪正在得手未能換防甯國應否仍須調令來皖著察度情形與左宗棠籌商辦理金陵十二日之戰金

柱關十八日之戰其詳細情形並著查明具奏將此由六百里諭令知之○諭袁甲三奏遵旨暫緩回籍擬俟唐訓方到臨卽行交卸一摺前因皖省南北軍務同時喫重諭令袁甲三於李續宜回任後再行起程茲據奏稱竄鄂之賊經楚師痛擊敗回河南皖省邊境見已解嚴金陵甯郡軍情均極得手並接據唐訓方面稱已擬剋期就道星速赴防請俟唐訓方到後卽行交卸以免病軀貽誤等語金陵及楚北軍情本日據留國藩多隆阿等馳奏與袁甲三所奏大略相同皖南上下游軍務見已稍鬆該大臣因天氣漸寒病復增劇恐以病軀久待致有貽誤自係爲慎重軍務起見著准其卽於唐訓方到防後交卸起程見在皖南楚北之警均已解嚴唐訓方自可毋庸久駐安慶卽著統帶所募楚勇五千名剋日馳抵臨淮接統袁甲三所部將各路防剿事宜妥籌布置以專責

成其欽差關防卽由袁甲三封交唐訓方暫行收存以昭慎重至李世忠一軍前經曾國藩檄調渡江助剿該提督擬撥萬餘人南渡並以賊眾意圖北犯飭江北各營加意堵剿足見忠勇性成果於任事深堪嘉尚惟本日據曾國藩奏江南軍情近日稍鬆能否撥隊仍由該提督酌量等語見在九洑洲之賊仍日久未下李世忠自應嚴防此股力扼北岸爲是且攻賊之要隘卽可牽制賊勢著袁甲三飭令該提督迅將九洑洲攻克力爭要隘以固江防如兵力有餘再由該提督酌撥渡江唐訓方抵臨淮後並著將李世忠一軍加意拊循使其奮勇立功不至因袁甲三交卸稍有鬆勁是爲至要將此由六百里諭令知之○諭官文多隆阿等奏回援楚境屢獲全捷襄河迤北肅清各摺片本日已明降諭旨將商南出力之陶茂林照請獎敘襄樊出力將士准其擇保洪貞謙卽行

革職趙旣發革職永不敘用金順革職畱營矣此股髮逆係賊首
陳得才等所統爲四眼狗部下悍賊尙有一萬四千人勢必回
竄皖豫多隆阿自應將此股賊匪乘勝殄滅惟此時楚豫交界情
形稍鬆而陝省同朝一帶賊勢較重成明一軍兵力本單又在朝
邑被圍城內糧草缺乏勢頗岌岌潼關副將哈連陞爲賊所擄關
城被圍勝保見雖督兵赴華渭一帶進剿而兵數較單亦有不能
兼顧之勢前因官文奏請將多隆阿一軍畱駐楚豫交界地方剿
賊曾經寄諭允行此時陝省情形較重於楚多隆阿自應先其所
急馳赴潼關解圍進剿華渭勝保得以專顧同朝陳得才等股
匪見雖竄入豫境難保不伺擾楚疆卽著官文揀派得力將士越
境剿除務將此股殄盡以除後患馬融和股匪見擾黃安一帶並
著官文嚴飭在事文武實力剿防毋令與陳得才等股匪歸併豫

省軍營虛報勝仗藉詞退避殊堪痛恨金國琛梁作楫等亦蹈此習該員等於賊至襄陽老河口時並未打仗佐領安圖富森保等亦未出隊以致逆眾長驅闖入楚境著官文嚴行查參從重懲辦以儆效尤豫省軍營習氣甚重此後該省帶兵文武各員如有仍蹈洪貞謙惡習者即著多隆阿隨時參奏趙既發私帶口糧擅自離營前赴漢口情殊可惡經多隆阿從嚴參處所辦甚是惟該革員本係由賊中投誠之人如不准其赴各營效力難保不窮而爲盜是以本日明降諭旨僅將該員革職永不敘用將來如有別路各營奏調該革員時朝廷自有權衡也嗣後該將軍營中遇有此等人察看其人可用則畱之如實在不堪用難保不去而從賊者不如竟予正法以絕後患前據官文等奏稱姜台淩股匪復由棗陽回竄襄境金國琛勒辦疊勝亦難保非捏詞虛稟仍著官文確

查具奏將此由六百里各諭令知之○以襄河肅清予總兵官陶茂林以提督用○以擅離營奪提督趙既發職永不敘用○丙戌文宗顯皇帝 孝德顯皇后升祔 奉先殿禮成 上親詣行禮○諭議政王軍機大臣等前因袁甲三奏由固鎮湖溝進攻李成等老巢由宿州進攻較易當經諭令吳棠等妥籌勦洗茲據該署漕督奏稱黃開榜所部進駐宿州分紮濉溪口勦辦正當得手一經移動恐生他變湖溝本係臨營派令防剿此時請仍由臨軍先行相機進擊一俟黃開榜可以移師再行前進等語所奏亦係實在情形清淮防軍本形單薄湖溝既本係臨淮派兵防堵卽著唐訓方飭令官軍相機進剿該處距臨稍遠轉運軍火糧餉較難並著唐訓方與吳棠籌商轉運俟黃開榜可以移軍再行前進該署漕督等同辦一事務當和衷籌商萬不可稍分畛域方於軍務

有益並著僧格林沁妥籌兼顧庶不至賊合我分以期迅速殲除
將此由五百里各諭令知之○諭景紋奏行抵鑪城土目搆爭撤
站阻滯不能前進一摺中瞻對野酋工布朗結帶領番眾於土司
所屬各處滋擾明正土司甲木參齡慶與工布朗結等搆怨動卽
撤站往來各差多有阻滯前據駱秉章奏該野酋擾及明正邊界
當經諭令該督飭令都司謝國泰等剴切開導並飭土司兵弁嚴
扼邊隘見在該處仍復肆擾是其不遵理諭已可概見雖經景紋
派員籌辦恐不能震懾其心消其桀驁川省軍務甫有起色儻邊
界不靖釀成巨患將來辦理又形棘手著駱秉章仍遵前旨迅派
委員馳往彈壓代爲剖斷俾兩造悉皆折服庶不至再有忿爭若
該番眾等任性抗違卽當懾以兵威俾斂迹歸巢不至尋釁爭鬪
肆出紛擾是爲至要滿慶辦理西藏事務諸多未協景紋奉命前

往查辦刻不容緩一俟道路疏通著卽迅速前進毋稍遲延將此
由五百里各諭令知之○丁亥諭內閣前因貴州貢生黎庶昌條
陳時務由都察院衙門代奏當經諭令該衙門轉飭該貢生將應
陳事件詳細具呈茲據都察院據呈代奏詳加披閱其中雖有更
改舊章事多窒礙之處間亦有可採擇業經另行降旨施行並交
該衙門分別覈議外黎庶昌以邊省諸生攄悃陳書於時務尙見
畱心方今延攬人才如恐不及黎庶昌著加恩以知縣用發交曾
國藩軍營差遣委用以資造就該員其勉圖實踐用副殊恩○諭
嚴樹森奏軍功保舉請停止記名藩臬等語所奏甚是上年因軍
營保舉冒濫曾經諭令吏部明定章程非克復城池不准保至記
名道府原以人才難以兼長嫻於將略者未必諳於吏治一經簡
用轉違其才迫經諸事廢弛不能不治以罪未免可惜此朝廷於

慎重獎敘之中實寓愛惜人才之意況藩臬大員官職較崇必須朝廷特簡如果軍營人員有能兼勝錢穀刑名之任者各路統兵大臣及直省督撫不妨隨時密陳將其所長詳細註明以備簡用若遽以藩臬爲酬功之階轉致用非其長且於體制不合嗣後軍營保舉記名藩臬之處著卽行停止將此通諭知之○諭官文等奏請將債事之文武各員分別懲處一摺河南髮捻各匪經官軍擊敗後屢次窺伺楚境意圖竄擾經官文等檄調道員梁作楫由襄陽馳赴隨州扼要防剿安襄鄖荆道金國琛不遵調度輒將梁作楫一軍畱守襄樊梁作楫復因病延宕致誤師行賊遂得潛渡白河擾及棗陽隨州等處皆該員等貽誤所致迨經派兵追剿又不善於布置致令事權不一師出無功總兵彭炳武與賊接仗獲勝任令所部搶拾賊中輜重致賊回撲傷斃多人副將唐敏興所

帶勇丁沿途滋擾毫無覺察均屬失於約束金國琛著革去布政使銜拔去花翎降爲同知畱於湖北酌量補用梁作楫著卽拔去花翎彭炳武著革去提督銜以遊擊降補唐敏興著暫行革職梁作楫彭炳武唐敏興均著暫畱軍營效力如再不知奮勉卽行從嚴參辦○諭議政王軍機大臣等前因僧格林沁奏札調蔣凝學由西南督隊向沙河東北進剿當經諭令唐訓方遴派委員接替鎮守茲據該署撫奏稱穎壽正陽等處良莠不分蔣凝學以一軍分布三處兵力尙單別無委員可以接替請暫免更動等語穎壽正陽等處甫經歸順地勢極爲緊要苗沛霖名爲助剿既不謁見僧格林沁又不將剿捻情形詳稟而轉請勝保調赴陝西是僧格林沁思用其力而該練仍懷叵測不得不倍加慎重唐訓方所奏蔣凝學請暫緩更動亦係爲大局起見第僧格林沁已深入皖境

該大臣忠勇性成志在剋期滅捻而主客之勢非有皖軍接應其勢較孤蔣凝學見雖未能前進仍著唐訓方飛催新募之軍赴皖以便蔣凝學得以隨同僧格林沁進剿並著僧格林沁相度機宜妥爲籌商該大臣素顧大局諒能和衷辦理也唐訓方見抵臨淮皖北甫經克復亟宜培養地方元氣著卽認真派委循良之吏招集流亡勸課農桑如有成效准其酌保吏治民風均宜畱意毋得視爲迂闊勉之將此由六百里各諭令知之○諭前因羅惇衍賈楨先後奏請飭李續宜回皖並因皖省軍情喫緊疊經降旨催令赴任見在皖省軍務雖稍形穩順第唐訓方於該省情形恐尙生疏且威望亦不如該署撫遠甚諒此時葬事已畢病已痊愈卽著迅速起程毋稍遲緩將此由六百里諭令知之○諭前因陝西軍情緊急疊次諭令多隆阿督帶全軍馳援潼關並諭官文迅派各

軍追勦由楚竄豫股匪俾多隆阿迅速督軍入陝嗣據多隆阿馳奏援軍屢獲全捷襄河迤北肅清接奉廷寄已遵旨馳回樊城本日據官文等奏官軍進勦髮逆獲勝敗賊由應山竄回桐柏捻匪張落刑等竄至新野縣境經多隆阿派隊扼其東竄親赴隨州勦辦等語官文等此奏自係尙未接奉續寄諭旨得悉多隆阿必須入陝情形多隆阿由樊城啟程赴陝計程應已入陝境所部各軍亦陸續可集見在行抵何處卽著該將軍迅速馳奏陝回猖獗已極必須厚集兵力痛加勦洗著多隆阿嚴飭各軍剋日進關相機進勦毋得稍涉延緩其陳德才股匪見已竄入豫境豫省素無大支勁旅深恐不能殄此巨寇刻下楚北軍務較爲得手官文素顧大局著仍遵前旨揀派得力將士越境勦洗就地殲除俾楚豫邊陲共臻安謐前據僧格林沁奏捻首張落刑自劉集迤南率黨抗

拒其姜台凌王懷義等匪經多隆阿擊敗已由南路潛行回巢刻下楚豫之交有無該捻餘黨並著官文飭令在事員弁確探賊蹤逐一搜捕毋畱餘孽嚴樹森另摺奏鄂省被匪竄擾請將應解漕折銀兩暫緩籌解等語髮逆捻匪闖入楚疆擾及德安漢陽等府所屬地方漕折銀兩未能按限催徵而添募營勇籌濟飢軍以致庫款支絀自係實在情形惟此項漕折銀兩係採買米石彌補京倉之用關繫甚鉅斷不可再事遲延所有湖北省欠解咸豐十年漕折銀五萬兩仍著嚴樹森督飭藩司趕緊籌解見在髮捻各匪被剿他竄楚境漸就安戢其本年漕折及十年漕折二款均著該撫設法催徵務於年內起解到京以供支放毋得稍涉推諉致誤要需前據多隆阿奏風聞苗練已陸續入潼關嗣經僧格林沁毛昶熙查明覆奏該練尙無起程消息已嚴諭各路一體堵截惟陝

省回匪情形甚急多隆阿當遵奉前旨檄調所部星速入陝俟抵陝境卽行馳奏毋稍遲延將此由六百里加緊各諭令知之○諭江忠義奏遵旨赴黔縷陳艱難及籌畫情形一摺據稱江忠義與田興恕在臨江寶慶地方兩次勦賊均未同駐一處以故田興恕所部無一相識之人驟相接統恩誼不能相孚必須募勇近萬督率入黔方足以資分布擬卽親赴省城與毛鴻賓熟商辦理各等語自係實在情形卽著江忠義迅赴湖南省城與毛鴻賓將募勇事宜妥爲籌辦並著毛鴻賓將積欠江忠義舊部口糧清還並將赴黔行糧及新募軍裝經費等款發給俾利軍行毛鴻賓於鄰封軍務素能不分畛域況安黔卽所以安楚該撫必能籌畫合宜也至黔中苗教各匪叛服無常田興恕入黔之始所向克捷乃此殲彼起迄無成功近來石逆又竄黔疆內患外寇紛至沓來若非一

支勁旅入黔痛剿更恐賊勢蔓延不可收拾江忠義既具殺賊報國之志務卽趕緊料理一俟募勇成軍卽行迅速起程毋稍延誤將此由五百里各諭令知之○子湖北陣亡參將周昌保等祭葬世職○戊子命吏部尙書瑞常協辦大學士○己丑 慈禧皇太后聖壽節停止 升慈寧宮○命大理寺卿曹毓瑛在軍機大臣上行走○庚寅諭議政王軍機大臣等鄭元善奏進擊捻股立解臨潁城圍粵逆回竄桐柏檄調宛軍堵擊及項城團勇攻克曹寨並歷陳豫省兵餉兩虧官民交困情形各摺片竄豫捻匪被官軍擊敗後聯絡馬步由襄郟東趨臨潁圍撲縣城副將楊長春陳祿興會師進剿斃賊六七百人城圍立解卽著鄭元善等嚴飭該副將等跟蹤追躡盡殲醜類毋任乘隙歸巢粵逆由楚境闌入桐柏之平氏接壤信陽歐陽正墉等軍業經湖北撤回設邢集等處匪

徒句合粵逆勦辦更形棘手鄭元善因豫省將領乏人函致官文
將派往勝保軍營之副將劉車龍檄赴南陽接統洪貞謙所部據
稱該副將曉暢戎機藉資統率官文素顧大局著卽飭令劉車龍
留於豫省督率兵勇探明粵逆蹤迹實力堵勦惟南陽一帶兵勇
不過二千餘人而粵捻尙有數萬深恐兵力不厚難以勦洗並著
官文恪遵前旨揀派得力將弁越境跟追會同劉車龍所統豫軍
併力兜勦俾楚豫邊患一律肅清於該兩省軍務均有裨益見在
河洛安謐鄭元善擬卽移紮汝州期與南陽汝甯聲息相通著卽
照所擬辦理隨時相機援應捻匪劉紹祿竄踞曹寨經項城縣知
縣陳桂馨督勇集團奮力進攻立將曹寨克復該匪見由白楊樹
等寨竄走亟應添派兵勇會勦以靖捻氛參將尹嘉賓一軍見在
汝營未能撤動總兵趙鴻舉業經毛昶熙派往陳郡防勦著該侍

郎速飭該總兵就近馳赴項城督同該縣鄉團迅將白楊樹賊巢
攻拔毋誤事機鄭元善所奏寇警頻仍事機錯迂餉需支絀亦係
實在情形當此時勢孔艱該撫由縣令擢任封圻受恩甚重總當
力圖報稱勉副委任豈可以智勇俱困等詞稍存諉卸至髮捻各
匪先後由豫境竄入鄰封甚至頻數往來毫無堵截亦何能免旁
觀之訾議至謂赴秦兵勇絡繹不絕驛站之馬騎去而未歸民雇
之車扣留而勒贖此等騷擾情形殊堪痛恨當時卽應破除情面
確查參奏懲一儆百不知該撫當時又何以容隱不言也以巡撫
而猶有受制於人之處司道以下等官又當何如撤任南汝光道
趙書升參款尙待查辦何以官文前奏李續燾會同趙書升將陟
清等處援賊擊退並著鄭元善查明覆奏鄭元善另摺奏汝軍擊
敗援賊平毀二十餘壘該匪負隅抗拒亟宜迅圖撲滅見在援賊

已敗著卽責成張曜督率汝防諸軍攻克老巢勿畱餘孽將此由六百里各諭令知之○諭勝保熙麟奏行抵潼關探聞同朝賊情並晤籌東西兩路情形一摺同朝回匪雖經官軍擊退第匪情猖獗難保不去而復來成明力難獨支勝保旣畱熙麟駐紮潼關卽可分身前往著卽督飭所部親赴同朝無令賊騎渡河擾及晉疆熙麟見抵潼關卽著暫畱駐紮俟穆騰阿到後迅赴陝甘總督新任該處自哈連陞被賺後官軍潰散著勝保酌撥兵勇畱於該關俾資鎮守回匪見有西趨之勢甘省尙屬完善尤當豫爲籌畫馬德昭尙未赴任著熙麟於起程時酌量情形如可將馬德昭調回卽行隨同赴甘妥商布置雷正綰專辦西路剿匪如涇陽解圍卽令酌量進兵鳳翔情形見在如何並著勝保妥籌兼顧勝保另片奏請飭催穆騰阿迅赴新任該將軍起程已逾半月計日可到本

日復寄諭催令兼程前進所稱飭催各省協餉已寄論文煜等遵照籌解至催解錢糧係地方官專責如果瑛榮劉齊銜有心玩誤軍餉並不實力催徵則咎有攸歸不難加以處分若勝保派員守提隨徵隨解既屬越俎亦且有違體制仍著由瑛榮等催解該大臣毋庸派員守提至苗沛霖率眾助剿屢經寄諭不准札調該大臣必欲瀆請是誠何心著仍遵前旨截阻斷不准一人一騎入陝毋稍玩視致干咎戾熙麟另片奏遵查屈升之陝省並無其人等語屈升之係甘肅同知前據恩麟奏參該督誤會旨意著於行抵新任後再行確查將此由六百里各諭令知之○諭耆齡奏援軍會合浙師圍攻湯谿並籌添壯勇分路防剿等語蔣益澧一軍自克復壽昌後卽行進攻湯谿耆齡復派康國器等紮營南門斷賊汲道江閩官軍聲勢聯絡自可速下堅城第賊中聚糧足支兩月

金華逆匪復有鈔襲後路之虞必應厚積兵力四面合圍迅圖攻拔著耆齡迅催林文察激勵兵勇趕緊將緝武境內賊匪掃蕩卽行前赴湯谿會合進攻毋稍延誤至秦如虎前已有旨令署浙江提督並疊經諭令耆齡等飭其迅赴甯郡妥籌防剿見在奉化縣城克復浙東軍務日有起色尤不可無得力大員前往督率秦如虎前次攻城受傷據耆齡奏稱已漸痊愈正當振作精神及時報效著耆齡恪遵前旨檄催秦如虎迅速前赴甯波接辦防剿事宜不得稍有延玩致誤戎機將此由六百里諭令知之○諭徐之銘奏酌派回目招撫興義府屬回夷並請將惡劣之州縣革職各摺片雲南回民以就撫爲名事事把持該省大吏爲其所制束手無策此次徐之銘出示招撫興義府屬回夷名爲綏靖兩省其實仍是受回指使且飭令馬如龍兩勸興義回教張翎翔又令回目馬

助國等前往該處會同地方官妥辦其爲回民暗圖勾結尤屬駭
而易見黔省軍務未竣豈容復令滇回句連一氣益肆蔓延潘鐸
前已有旨令在貴州查辦事件卽著確切查明徐之銘有無面商
黔撫情事並商同張亮基將滇省所委人員設法截回毋令徐之
銘得以干預黔事該署督等務宜妥籌辦理不可稍涉疏忽張亮
基見在行抵何處滇省望治甚迫該前督斷不可稍有逗遛致滇
事日壞一日是爲至要至徐之銘所稱補用同知直牧熊夢昌署
鎮雄州知州高青雲卑鄙惡劣已照所請批准卽行革職該二員
平日官聲究竟如何高青雲曾爲張亮基巡捕有無招搖情事並
著潘鐸張亮基查明覆奏徐之銘摺片三件均著鈔給閱看將此
由六百里各諭令知之○予河南陣亡協領巴彥克喜祭葬世職
建祠浙江殉難知縣屈永清祭葬世職○辛卯僧格林沁國瑞奏

臣等正在進攻亳州迤東蔣集賊寨探得馬村橋捻逆立稜眼卽蘇全覺勾結黑旗捻首李城意在俟我軍進攻蔣集時前來鈔襲後路逆首張落刑復糾約渦河南岸各捻首俟我軍回顧後路南路捻眾亦來接應自應先將東路援賊擊退再行進攻蔣集方爲穩固臣國瑞於九月二十九日督軍馳至馬村橋卽有捻首李城率領馬賊四五百名前來抗拒經舒通額恆齡竭力衝擊逆勢不支紛紛敗退我軍乘勢掩殺殲斃馬賊百餘名追至馬村橋該寨逆首蘇全覺見勢甚緊急閉門死守我軍難以仰攻卽行撤隊路過蘇閣圩地方偵知捻首蘇添幅之姪蘇平益在彼盤踞臣國瑞卽調步隊由東西兩面進攻該逆拌死相拒復經舒通額等督飭各起馬隊合力迎擊將悍賊二百餘人殲除淨盡立將該圩焚燒臣等因援賊既經擊敗卽回軍攻勦蔣集賊巢十月初一至初五

等曰各營出隊擒斬頗多惟張落刑糾約各股巨擒在渦河北岸
下張橋一帶盤踞愈聚愈眾初六日臣等飭翼長舒通額蘇克金
帶領各起馬隊前往下張橋一帶擊其不備該逆拌死抗拒我軍
分三路截殺舒通額帶領數騎首先衝入賊中槍箭齊施逆眾始
亂我軍乘勢追擊數里斃賊數百名將該逆追過渦河以南因賊
圩林立我軍未便深入當即收隊臣等見仍相機進剿儻能聚而
殲旃即可攻克蔣集拔其根株至宿州藍旗擒首劉添幅具稟投
誠言詞懇切情願殺賊立功已飭一律薙髮並令劉添幅即行來
營又據富和稟稱連日前往查收投誠圍寨各路岳家集孟家樓
等寨擒首岳振山李大箇孜膽敢列陣迎拒該營總帶隊出擊降
人李加英亦帶降眾進剿擒斬多名李加英身受槍傷猶裹創帶
隊帶勇殺賊至投誠之宋濬沅及伊弟宋中元自投誠以來隨隊

打仗亦甚勇往是李加英宋濬沅等真心反正尙屬可信其花旗
捻首雷彥前赴西路打糧曾經臣等飭投誠之任心桃將雷彥家
屬交亳州收押正在辦理聞雷彥業由西路折回卽赴亳州具稟
情願投誠經該州知州劉蘭馨解送臣營訊據雷彥供稱渦河南
岸之崔莊係伊本寨及雷莊等三寨共有馬步捻匪七八百名俱
願投誠殺賊報效等語臣等查看情形尙屬真心悔罪遂准其率
眾薙髮投誠責令隨同勦賊前據張曜稟稱逆首陳大濬等在汝
甯一帶勢甚鷓鴣張經該員疊次勦辦奈賊眾兵單應接不暇查見
在皖捻先後俱已回巢豫省除陳大濬外別無賊蹤巡撫鄭元善
侍郎毛昶熙所統兵勇見在無事自應乘此機會合力勦辦汝甯
捻匪以期迅速肅事至臣等督軍深入軍馬食用甚關緊要運解
車輛全賴地方官實力嚴催方能源源運送無如地方大吏並不

認真督辦各州縣得以因循搪塞以致發價採買糧草解到甚屬
寥寥勢難持久殊爲可慮豫省應解協餉積欠尤多嗣後儻仍前
疲玩惟有據實嚴參或可望其實心經理又奏疊奉諭旨以勝保
檄調苗練赴陝助剿令臣妥爲阻止並將勝保被參各款詳查具
奏臣業經札飭苗沛霖隨同進剿捻集十月初四日苗沛霖遣副
將邵徵祥等來營遞稟據稱苗沛霖於九月十四日接臣札諭卽
由龍亢折回下蔡齊練五千二十三日帶赴展溝一帶剿捻令邵
徵祥等來營專聽指揮等情經臣詰詢該員等聲稱苗練並未另
有動靜查苗沛霖從前帶練剿賊屢有戰功地方官不能折服其
心遂致漸形桀驁與捻匪勾結圍攻壽州經勝保奏准歸以
前之事自必時形矛盾苗沛霖屢次向臣具稟疑懼之心終不能
釋見旣用以剿捻自應量加撫恤以安其心當由臣營餉需內撥

給銀一萬兩飭令邵徵祥等會同糧臺委員王朝宗解交苗沛霖
兌收以濟練勇口糧使其知恩知畏方能使其不疑並飭王朝宗
就便密查苗沛霖動作仍飭苗沛霖襲取雉河集一帶賊巢實力
圖功至勝保被參各款查勝保從前充當批本時臣深悉該大臣
實係寒家自帶兵數年家道饒裕其貪婪冒濫狂妄無知行止非
理中外皆知所有應查各款近處臣已派都司施紹恆廖承恩前
往太和縣陳州周家口一路密查其遠處應請飭下直隸總督河
南巡撫密查具奏勝保之任性妄爲不勝枚舉惟該大臣見在督
勦陝省回逆前收投誠之苗沛霖宋憬詩劉占考皆非善類該大
臣一經卸事誠恐別生枝節應請皇上先擇可以代勝保之任
者再行懲辦勝保方爲妥貼見在臣已督軍深入捻巢所隱憂者
他處萬一再有不虞臣一時實難分兵耳上諭議政王軍機大

臣等亳州迤東蔣集擒匪負嵎抗拒僧格林沁督飭馬步各軍進剿逆首張落刑糾集渦河南岸各捻接應經官軍迎擊獲勝並攻克蘇閣圩惟蔣集賊巢尙未攻拔見在各股援賊均經擊退自應乘此聲威直搗巢穴著僧格林沁激勵諸軍相機進取節節掃蕩殄除積年巨寇其投誠之劉添幅等均能謹慎奮勇具見該大臣推誠相與化莠爲良從此剿撫兼施自不難廓清皖境第被剿窮蹙之匪難保不乘閒西竄鄭元善等務當督率各路弁勇鄉團嚴密防範如再不能遏截任令該匪長驅深入定將該撫等從重治罪決不稍寬汝甯逆首陳大澹等勢甚鴟張昨據鄭元善奏官軍擊敗援賊平毀二十餘壘當卽諭令該撫責成張曜速拔該匪老巢見在皖捻先後回巢其粵逆一股該撫亦派劉車龍會合楚軍兜剿據僧格林沁奏鄭元善毛昶熙所統兵勇見在無事應乘此

機會合力勦辦汝甯捻匪等語所籌甚合機宜鄭元善已移紮汝州毛昶熙見擬馳回宋郡卽著會督兵勇前赴汝甯攻勦務將陳大澹等股剋日殲除以期迅速藏事僧格林沁督軍深入抹買糧草接濟軍馬食用全賴地方官派撥車輛源源運送據稱地方大吏並不嚴飭各州縣認真辦理以致解到糧草甚屬寥寥著鄭元善速飭各屬迅將已辦未解糧草及應解協餉一併趕緊解往毋誤要需僧格林沁一軍勦辦皖北匪巢皖省疆吏豈容膜視不顧唐訓方計已行抵臨淮所有該大臣軍營應需糧草並著該署撫設法籌解藉資協濟不得以相距較遠稍涉推諉前據鄭元善毛昶熙奏請抽調滿營撫標及三鎮官兵買給馬匹教練成軍當經諭令該撫等妥爲辦理此項馬勇是否業已辦齊僧格林沁曾否派將領前往並著僧格林沁鄭元善毛昶熙仍遵前旨俟辦有就

緒卽行迅速具奏本日據英桂奏勝保所派迎提苗沛霖之博崇武見抵山西鳳臺縣聲稱由河南前赴安徽博崇武繞道赴晉殊出情理之外已諭令英桂派員將該總兵押赴僧格林沁軍營候旨如博崇武業已行抵河南卽著鄭元善派員押送毋令徑赴苗營將此由六百里各諭令知之○諭英桂奏另股回匪在延安滋擾撥兵防守並博崇武迎提苗練改道晉省暨請畱德興阿辦防派黃宅中辦團各摺片朝邑解圍情形昨據勝保奏到已令其妥籌兼顧不可令回匪去而復來貽晉省之患此時延安府屬回匪馬照元聚眾千餘欲與逆回會合滋擾晉省西路州縣多與該處接壤渡口林立在在須防尤不可不先期布置英桂見已抽調精兵五百名派員帶赴磧石鎮擇要扼紮並咨商大同鎮總兵慶德撥兵嚴防所辦尙屬認真卽著飭令在事員弁實力巡防毋稍疏

懈勝保前次奏調苗練朝廷灼知其弊已飭令迅速截止此次博崇武取道山西鳳臺行蹤殊屬詭秘實堪詫異卽著英桂趕緊查明博崇武見在何處如尙未離晉卽著派員押赴僧格林沁軍營候旨不得稍有疏縱見在晉防喫緊德興阿著准其暫畱晉省幫同辦理防堵在籍道員黃宅中並著照所請飭令辦理河保一帶團防事宜將此由六百里諭令知之○李鴻章奏九月十五十六等日該逆愈聚愈多由青浦西北至三江口四江口蔓延數十里連營數座晝夜出戰復於大河支港徧搭浮橋接及黃渡十七日知縣李鶴章馳赴黃渡會同總兵程學啟分三路進剿賊見我軍出隊卽於河南岸各橋布陣以待程學啟率開字三營由右路徑撲石橋槍礮齊施賊乃紛潰追至老青浦街前斃賊不少該逆犯我左路副將張桂芳等揮兵過河戰十餘合賊始披靡中路之賊

亦經副將郭松林擊敗賊入壘固守我軍亦卽收隊十九日我軍出隊方行三四里該逆先由左路迎撲勢極兇猛經程學啟督同張桂芳等竭力抵禦賊乃抽隊繞我右路郭松林等設伏河邊乘賊半渡突出奮擊斃賊千餘中左兩路逆匪遂分隊赴援約有四五萬眾程學啟令遊擊周盛波馳赴右路助戰參將陳飛熊知府符信各營由中路直進將賊隊擊斷李鶴章知會三路一齊擁入該逆敗潰退至安亭河邊僞暮王僞聽王親督大隊迎拒各以洋槍隔河施放潛由我軍之後搭橋渡過數百人程學啟抽隊擊之悉殲其眾北岸賊隊漸撤向南我軍遂亦收隊以防南岸兩日殺賊不下四五千而賊眾且悍總未大創四江口久圍未解非添撥大隊親往督戰不可臣卽檄調參將劉銘傳等及黃翼升水師各營水陸並進臣自帶親兵於二十一日馳抵黃渡周覽賊營形勢

僞幕王一股屯駐吳淞江北岸自十九日挫衄後賊氣漸衰惟南岸僞聽王一股僞主將鄧洗明一股約共七八萬爲忠逆李秀城部下著名兇悍其所紮營壘皆扼河汊要口攻取甚難臣卽派程學啟劉銘傳郭松林等分路進攻郭松林劉銘傳等兩路先偪賊營拔籤踰濠以洋槍小隊膝行而前擊倒黃衣賊酋數名賊稍卻猶以槍礮抵拒我軍冒煙直入各斃悍賊數百名郭松林等乘勢踏毀頭營兩座劉銘傳等又攻破中路賊營二座其右路大股之賊抽隊回救程學啟曾受子傷瞥見賊旗掣動仍裹創督戰與遊擊銜吳建瀛以二千餘人槍礮連環緊跟壓下賊隊立腳不住由南岸潰向北岸我軍三路圍殺紛紛竄逃所過各河港落水死者無算生擒般斃者又萬餘人內有僞主將及指揮檢點數百人連毀賊營二十餘座四江口之圍立解我軍復由河岸截勦又擒斬

數百名追至河邊天色昏黑三更後北岸僞暮王一股卽退回崑山是日白齊文李恆嵩帶隊由杜村白鶴港圍攻賊巢擒斬一千餘人黃翼升各營由趙屯橋截擊潰賊追至三江口轟斃無數並踏平沿橋石壘四座兩岸土壘八座立將浮橋拆毀臣復督帶各營至四江口拊循守卒籌度布置旋即整旅回滬上諭此次逆賊糾合大股圖犯青嘉經官軍擊退賊膽已寒卽應趁此聲威進擣崑山若能將該城克復則松滬之門戶益固而進剿蘇城之路亦通該逆必應回顧不敢悉眾救援金陵著李鴻章體察情形迅速進攻該撫前奏所稱改造小划兵船計當造成卽可會同黃翼升水陸並進以爲節節進剿之計另片奏甯波綠頭勇滋事搶掠存庫銀錢等物已經該撫將爲首之曹得良等審明正法甯郡選留一千名交史致諤節制其餘撤回松江嚴加管束外國弁目卽

行斥逐所籌尙爲妥協惟外國弁目本係不安分之人恐斥退後與賊勾通或投入賊巢均難豫料著薛煥札知該領事官將遣散弁目嚴爲鈐制或帶令回國以免別滋事端前經寄諭李鴻章等謂練兵不如選將正慮及洋槍勇隊不服中國帶兵官鈐束遇有事端辦理殊多掣肘此次果有不法情事著李鴻章卽遵前旨妥籌選將之法統帶洋槍勇隊以資得力見在甯郡已派秦如虎署理提督該總兵本有管帶之軍數千名其畱駐該郡之常勝軍一千名尙可酌量遣散以節餉需並著李鴻章會商秦如虎妥籌辦理知縣李鶴章係該撫之弟此次擊退援賊與程學啟功俱相埒該知縣官職尙卑若避嫌不舉轉阻其上進之心嗣後如有勞績著李鴻章查明一併請獎以資鼓舞李鴻章自簡署巡撫以來軍務地方均能稱職頗爲嘉悅已降旨補授江蘇巡撫該撫務當感

激知遇益矢公忠斷不可稍自滿假以期常承恩眷勉之懷之將此由六百里各諭令知之○發內庫銀三千六百兩賞貧民棉衣○實授李鴻章江蘇巡撫○壬辰諭議政王軍機大臣等本年夏秋以後九洑洲逆匪增壘添黨悉力負隅見屆冬令水涸若取道江浦浦口盡銳北趨則上而滁全下而揚州裏下河皆將防不勝防一面有疏全局皆震並聞該逆營壘四圍雖用石砌中實輒土填築餘皆蘆席板片蓋棚棲止尤易火攻儻以水陸諸軍薄其外壘用精利火器晝夜環轟勦撫兼施當可得手此洲既拔大江以北無復賊蹤瓜揚浦六諸軍既可分撥隊伍與曾國荃等合兵南路水師戰船亦可列成分屯於軍務較有把握前據曾國藩等奏李世忠欲派隊萬人赴援金陵當以雨花臺營壘已固諭令卽飭該提督毋庸南顧專辦北岸之防迅將九洑洲攻克著曾國藩傳

諭李世忠專力九洑洲務須剋期攻拔勿再遲延江北防務都興
阿認真經理不可稍涉大意新調廣東紅單船四十隻見已入江
卽著都興阿派熟悉水師將弁管帶會合李世忠所部攻擣逆巢
以資得力曾國藩前奏楊岳斌病已漸痊力疾督守金柱關彭玉
麟分巡灣沚蕪湖水陸各軍均已獲有勝仗該處情形似可稍鬆
楊岳斌彭玉麟二員中能否派撥一員駛赴下游江面紮駐防剿
該大臣卽酌量調度無誤事機前因貴州貢生黎庶昌呈遞條陳
言尙可採當經降旨賞給知縣交曾國藩差遣委用該員以邊省
諸生抒悃上言頗有見地其才似堪造就誠恐年少恃才言行或
未能符合著俟該員到營後由該大臣畱心察看是否有裨實用
不至徒託空言附便據實具奏將此由六百里各諭令知之○諭
馮子材等奏鎮防近日軍情並曾國荃一軍屢獲全勝營壘可期

穩固等語湯岡肅清之後逆黨遁回句容各巢不敢蠢動惟逆情狡譎難保不再圖肆逞馮子材等務當督飭諸軍實力防剿不可稍涉大意致有疏失上游軍情仍隨時確探具報以慰馳廛將此由六百里諭令知之○命劉長佑等迅解銀十餘萬兩備鎮江軍餉○甘肅回匪竄偏花馬池諭德勒克多爾濟等籌防○癸巳諭議政王軍機大臣等前因鄭元善毛昶熙各奏博崇武有由河北行走迎護苗練赴陝等語曾經諭令僧格林沁加意防維並諭知鄭元善等飛飭博崇武先赴僧格林沁軍營聽候辦理茲據奏稱博崇武於九月三十日行抵汴省毛昶熙面詢該副都統據稱苗沛霖本無西行之意因奉僧格林沁札調剿賊稟知勝保並有秦省兵勇不敷尙可撥隊往助之語勝保因而奏調並令博崇武前往太和飭調道員黃元吉勇隊赴陝當經毛昶熙傳諭博崇武攔

阻苗練並飭令該副都統前往太和趕緊辦理等語苗練既無西行之意博崇武即可無庸前往太和勸阻轉或啟其猜疑著鄭元善毛昶熙仍遵前旨飭令博崇武卽赴僧格林沁軍營聽候辦理博崇武疊經被人參劾暗通苗練該員到營後卽著僧格林沁飭令雷營差委不可仍令其赴勝保苗沛霖等處惟該員既暗通苗練而僧格林沁正在欲用苗練之時仍須於差委之中寓防閑之意僧格林沁勦捻方當得手苗練正應遵該大臣札調隨同進剿苗沛霖見在是否束身歸命真心勦賊立功自贖僧格林沁必能謹遵疊次諭旨於操縱機宜權衡悉當並著將實在情形隨時速奏道員黃元吉勇隊是否堪以調赴陝西卽著僧格林沁等就近妥籌奏明辦理將此由六百里各諭令知之○諭多隆阿奏遵旨督兵馳赴潼關並將陝省紳耆公稟及李宗沆信函鈔錄呈覽一

招多隆阿馬隊已由鄧州一路拔營前進據稱十一月初間可抵潼關覽奏實深殷盼該將軍因目擊時艱身冒鋒鏑東征西勦不遑啟處忠勇之忱實堪嘉尚惟據稱士卒困苦跋涉艱辛多有報逃之案而陝事又如此之急多隆阿務當加意撫循多方激勸其實能爲朝廷出力者不妨酌量保奏以作士氣而固人心回匪兇狡百出甚於髮逆多隆阿入陝以後須隨時加意提防不可稍涉大意其應勦應撫事宜悉由多隆阿相機酌辦一切不爲遙制至所稱事權不一必致僨事乃古今之通患見在朝廷疊次密諭多隆阿督兵援陝自有深意但使該將軍行抵陝省以後斷不至有信任不專事權不一之慮著卽倍道星馳前進能早到一日卽早紓朝廷一日西顧之憂且可拯陝省無數生靈勿稍延緩勝保見在潼關駐紮該將軍不可因其在彼稍存疑忌遲遲不進且不可

有避道而行之心著卽徑赴潼關駐紮俟抵關後仍遵前旨飛速馳奏將此由六百里加緊密諭知之尋奏官軍於十一月初九日抵關並嚴催後隊前進報聞○駱秉章奏石逆屢挫後沿川黔接壤山徑狂奔遇兵輒避總兵吳安康截擊於綦江之几子角高廟場等處該逆分竄青羊市總兵唐友耕知府唐炯督軍會合於閏八月初四日進攻該逆並不接仗自相驚竄踐踏及落河淹斃者不少遂分竄東溪甌子場等處唐友耕唐炯沿綦江小河東岸跟追臬司劉嶽昭等已由綦江小河西岸踵至初八日各營整隊而進賊始猶拌命拒敵我軍奮勇衝殺陣斬悍賊三四百人復將甌子場賊卡連破數重賊遂敗退東溪吳安康等親冒矢石直逼東溪賊卽潰竄我軍追殺沿途斃賊甚夥並斬賊目顏汰華等多名該逆由趕水石濠敗遁黔境仁懷桐梓一帶十一日吳安康等督

軍擊賊於寨壩時唐友耕唐炯由黔境之石濠一路直趨温水賊分兩股潛遁一由桐梓竄綏陽一由鴨溪奔遵義黔西該逆被黔西兵練阻截回竄仁懷境內之毛台村瓢兒井楓香壩一帶距敘永廳界僅隔小河難保不仍窺川疆見飭劉嶽昭所部由貴州温水進剿分竄綏陽之賊兼顧綦南復飭總兵熊煥章一軍由敘州府馳赴敘永並調吳安康一軍會合貴州兵勇夾擊黔西仁懷之賊唐友耕一軍馳至合江兼顧納溪其果毅護軍兩營先經派赴涪州以遏石逆奔軼總期四面兜剿盡殲醜類韓超田興恕奏粵逆石達開分作三隊每隊約三萬餘人其前隊直撲黔西州城中隊圍攻遵義郡城後隊則在桐梓時撲縣城該縣知縣朱文香會同汛弁游超登陴守禦並添調鄉團三千人協守閏八月十八日該逆四五千入來攻西城團勇槍礮齊施斃賊多名游超率團出

北門繞至西城截賊尾隊該匪回拒城內團勇亦出西門會同由遵義派往援師兩路夾擊殺賊無算該匪退至離城二十里之紅花園屯踞副將全祖凱帶勇駐紮遵義團溪因遵義被圍卽飭赴附近郡城之馬坎關紮營知縣于鍾岳調練勇分紮城外堵截知府李德義調集團丁萬餘人會同營員嬰城守禦十七至二十一等日該匪分股攻城各軍奮勇攻勦殺賊一千數百名二十二日該匪復攻全祖凱營盤全祖凱早爲嚴備又斃匪數百名官軍每夜出隊攻擊賊營該匪驚擾不得休息二十五日悉由松林一路竄去其竄擾黔西之賊十八十九二十等日疊次攻城均經城上礮石擊退署知州汪維翰又派勁勇出城迎勦殺賊多名匪勢不支均退至西路合股駐紮探聞有糾合遵桐各股復來攻撲之意二十七日總兵沈宏富督師踵至卽派副將胡均祿等分路衝殺

斃賊無數追殺十餘里沿途逆屍枕藉賊已遠去始行收隊此時
省中人心已定各路軍威益振其遵義所屬仁懷綏陽及大定府
境賊尙竄擾無定臣等見飭總兵李有恆由畢節親率兵練至大
定截擊並嚴催沈宏富全祖凱各督所部跟蹤追剿一面咨照四
川督臣迅飭各該文武加意嚴防並酌派得力隊伍赴黔助剿以
靖逆氛上諭石逆自川軍擊敗後沿川黔邊境避兵狂竄經總
兵吳安康臬司劉嶽昭等截擊於綦江之兒子岡東谿等處斃賊
甚多該逆遂由石濠温水一路敗遁黔境分撲桐梓遵義黔西各
城復經總兵沈宏富及地方文武督率兵練力擊獲勝解圍剿辦
尙爲得手惟此股逆匪兇悍素著且尙有十餘萬之眾賊氛並不
少衰見在黔西之賊復已回竄仁懷川省敘永綦南等處與黔境
犬牙相錯處處可通非合兩省兵力亟圖聚殲必致此剿彼竄終

難藏事駱秉章見飭劉嶽昭全軍進剿分竄綏陽之賊兼顧綦南
飭熊煥章吳安康等軍夾擊黔西仁懷之賊並調唐友耕一軍馳
顧合納布置均尙周妥著卽飭令派出各員會合黔省官軍聯絡
夾擊務於黔省邊界盡力剿除毋使紛竄川省沿邊致剿辦又形
棘手並著韓超飭令派出之沈宏富李有恆等軍跟蹤追擊毋任
蔓延其湖南辰沅所屬與印江松桃毗連卽著毛鴻賓豫爲防範
以固邊圉至鶴遊坪周逆負隅久踞見知髮捻屢挫棄巢潛遁奔
竄梁墊之間曹逆復由大竹敗竄達縣開縣一帶川東爲精華所
萃周曹兩逆人數尙多若不乘其離巢敗竄之餘及早殲除誠恐
又形滋蔓著駱秉章督飭道員曾傳理等分投兜剿迅圖殄滅毋
得徒事尾追以期迅速竣事至川省自李卯二股全數殄盡後見
在該省何處地方尙爲賊擾賊匪股數尙有若干其著名賊首係

何名目鶴遊坪是否已無賊蹤並著駱秉章一併查明馳奏以慰

廛系將此由六百里各諭令知之○以寶珣爲內閣學士

由翰林院侍講

學士○甲午諭議政王軍機大臣等薛煥等奏遵籌派員接管常

勝軍及優卹華爾各情並曾國藩等遵籌俄國兵船助剿各摺片

常勝一軍見據吳煦力薦白齊文材勇可任已交其接管將來能

否勝任卽著薛煥等隨時察看酌量辦理薛煥等見派李恆嵩協

同管束聞該副將尙能與之相處卽著傳諭李恆嵩令其畱心稽

察見在調遣鈐制事宜卽責成吳煦楊坊等轉飭遵照不准稍涉

譏卸華爾所部本係數百名見畱松江者已有四千五百餘人之

多吳煦等不爲限制聽其自行添募實屬漫無主見卽著嚴飭吳

煦楊坊將見存實數止准陸續設法裁汰疲弱斷不准再行添募

儻不能得力應如何裁撤卽著薛煥李鴻章隨時妥辦不許稍存

遷就吳煦楊坊經理此事未能慎終圖始嗣後若再有增添及不
過調度約束之處卽著將該道等嚴參治罪其在甯滋事之法思
爾德所帶勇丁見雖訓回滬防申明紀律恐此輩獷悍性成難免
掣肘之處著薛煥等酌量如何裁撤卽責成吳煦等妥爲遣散勒
伯勒東防守甯波原係一時權宜之計金華克復以後兵力足以
兼顧卽應撤回該副將稟內所稱遵換服色卽可毋庸置議至十
年爲期既係稟內自擬之詞卽不必以此爲限著左宗棠給與札
付聽歸節制並著傳諭勒伯勒東見經總理衙門與在京公使議
明該副將既受中國節制在中國相待一視同仁若有違犯法令
卽照中國之法治罪並止准缺額不准於一千五百人之外添募
一名以防流弊勒伯勒東既兼歸甯紹台道節制則史致諤給與
照會亦應稍存體制以崇事權至所稱華爾陞亡洋人欲爲豐碑

高家各情著薛煥等酌度辦理俄國兵船助剿之議曾國藩等擬令在上海甯波防守不令入江卽著於頗頗福到後會商辦理如必欲入江卽令其在鎮江停泊不准移至他處以示限制下游江陰及狼福山口一帶江面近聞賊船林立防堵師船甚不可恃前經諭知都興阿查辦雖據該將軍奏稱尙無蠢動信息惟聞水師兵船多朽壞失修恐不能得力該大臣所奏杜截南岸竄逆以保北岸腹地都興阿黃彬等盡力籌辦上慰憂廑等語似亦係紙上空談楊岳斌彭玉麟二員中如能酌派一員前來下游江面統帶師船常川駐紮各該處空虛要口稽察巡查方足以資彈壓而靖奸宄著曾國藩都興阿李鴻章迅速籌商辦理如有兵弁玩誤通賊各情隨時審明正法儻黃彬意存袒護卽著一併嚴參李鴻章前奏派白齊文管帶常勝軍赴金陵援剿見在諒已早到是否得

力著曾國藩查明具奏將此由六百里各諭令知之○袁甲三奏
臣密探苗沛霖本有藉勝保札調分股西竄之意因僧格林沁連
獲大捷懾於聲威並接到僧格林沁勦擒之札因而中止其另股
竄擾清江之說係本年八月間苗黨嚴道洪欲赴西壩築圩聚眾
與李世忠互爭鹽利早經吳棠查明驅逐清江安堵如常見又探
得苗練黨眾自勝保西去失所倚恃又恐僧格林沁未能如勝保
之一力護持是以月前僧格林沁札飭苗沛霖令其單騎赴宿境
謁見並飭總兵黃開榜派員護送苗沛霖始而應允繼而不果復
派副將邵徵祥並前次占踞壽州之李萬春前赴僧格林沁軍營
尚未回來練眾甚形惶惑見雖名為遵札勦賊出隊至鳳臺縣所
屬之展溝一帶攻打擒匪郭明棟等圩聲言萬人實止三千有零
苗沛霖雖云自去其實尙在下蔡以待僧格林沁回信聞在下蔡

趕做帳房聲言豫備出隊勦捻之用是否真心歸正究未可知並據道員蔣凝學稟稱苗沛霖前奉僧格林沁札調志得氣揚欣欣然鈔示淮南北整隊派糧查苗練各隊旗分尖方如潁州潁上三河尖及淮南一帶均係苗練方旗因蔣凝學駐紮潁壽方旗均尙未調惟加緊濬濠修壘聚糧聞訂於十月初十日齊赴老寨會話該練邀眾會話係屬常事此次未知所議何事臣以見時情形度之懷遠以東及滄河南北從逆者經臣收撫二百餘圩其正陽以上沙河以南正陽以下淮河以南亦經蔣凝學收撫二百餘圩兼有壽州附近各圩均不從苗前赴臣營稟請歸官臣以相距較遠飭赴蔣凝學軍營具稟並函致蔣凝學相機妥辦以苗練全勢而論已去十之五六苗沛霖從未輕離巢穴刻刻以壽州之軍及臨淮分駐長淮衛蚌埠各營爲慮一經妄動恐我軍齊蹕其後年內

天氣漸冷似可無虞但該練異常狡獪前聞其打造鎌刀多把欲
強割正陽南湖蘆葦以斷楚軍樵採雖傳言未可深信而該練能
否無事殊不可知總在僧格林沁之安其心而不資其力牢籠而
鈴束之或可漸就範圍上諭苗沛霖經勝保檄調赴陝仍未敢
遽離巢穴自係懾於僧格林沁聲威並因壽州及長淮衛等處分
布各營皆足以躡該練之後見雖不敢公然西竄而情形詭祕不
可不防僧格林沁札飭苗沛霖勦擒係屬權宜籠絡之計乃聞該
練奉僧格林沁札調時則志得氣揚欣欣然鈔示淮南北整頓派
糧繼則仍在下蔡觀望並非真心勦擒苗沛霖向來借官練以威
脅各圩該圩百姓但知不從苗練卽爲負罪朝廷是以苗沛霖得
行其跋扈僧格林沁於撫馭苗沛霖之中仍當設法使各圩百姓
咸知不從擒匪抗官者卽係良民正不必從苗充練始爲無罪如

此宣示在苗沛霖不至因此疑慮而其脅從即可日漸解散總之辦苗之法但能令其有所顧忌安其心而不資其力苗不能藉勢威脅圩民民亦不至爲苗所脅制設必不得已而調用苗練亦必令練眾造具花名清冊徑送該大臣軍營一面即可將其管隊頭目駕馭籠絡俾該練眾等感該大臣之恩則權操自我而苗沛霖之權亦不奪自消著僧格林沁隨時相機妥籌辦理至該練濬濠修壘派糧整隊似因畏懼楚軍就近攻剿唐訓方抵臨淮後袁甲三亦務將駕馭情形與之熟商妥辦於安撫之中仍寓鈴制之意方爲妥善至苗沛霖欲割取南湖蘆葦其說雖未可盡信然亦不可不豫爲防範並著唐訓方密飭蔣凝學勤加偵探妥爲布置袁甲三摺著鈔給僧格林沁閱看將此由六百里各密諭知之○嚴定軍營人員給發憑照章程○乙未諭內閣譚廷襄奏雲谷山官

軍失利帶兵大員玩視軍情請飭查辦等語吉林阿爾楚喀副都統德楞額自勦辦山東嶧縣雲谷山賊匪日久遷延迨至匪勢窮蹙該副都統安坐齊村不令馬隊遠出參將李其昌等請發炸礮靳不肯與嗣賊日有勾結幅匪救援之信德楞額漫不關心及賊陷營盤知縣張振榮派員求救仍復置若罔聞德楞額以帶兵大員既不能身臨前敵又不能豫籌布置以致貽誤戎機實堪痛恨德楞額著卽行革職交僧格林沁查明嚴參從重懲辦以肅軍律○諭議政王軍機大臣等譚廷襄奏雲谷山官軍失利並德楞額貽誤軍情及降眾豎旗報復各摺片已明降諭旨將德楞額革職交僧格林沁查辦矣德楞額從前勦匪不力曾經獲咎棄瑕錄用經僧格林沁派令攻勦雲谷山棍匪宜如何奮勉圖報乃竟安坐齊村按兵不動此次又因貪搶財物中賊詭計致百戰勁旅一旦

覆沒棍匪勢燄復張貽誤軍情實堪痛恨該革員屢次被人參劾必非無因著僧格林沁將該革員貽誤原委查明嚴參按律懲辦一面遴派妥員前往該處接統其眾重整軍聲迅圖攻克其佐領榮祿分帶馬隊首先潰走倡言賊勢重大搖惑人心致令礮隊潰散勇營失陷甚屬可惡著一併查明嚴參治罪僧格林沁前次所保打仗出力人員內有請以副都統記名之內火器營營總玉亮是否卽係從前在連鎮等處管帶毛勇之人該員可否足當一面見在何處帶隊並著查明具奏見在匪勢復熾亟宜厚集兵力迅速往援著譚廷襄迅飭海羣管帶馬隊前往援應一面飭令知縣張振興參將李其昌實力扼守要隘毋令該匪肆擾與教匪勾結一氣致成滋蔓至教匪經官軍痛剿勢已漸蹙仍應就見有兵力認真圍剿不得因一隅有失撤動全局是爲至要莘冠等處降眾

因與團練尋仇復圖起事經該撫派兵往捕將首犯張玉珍等正法並委參將興瑞等帶兵追捕辦理尙是卽著飭令該員等持平妥辦不准團練尋釁亦不令降服妄爲以期日久相安至由勝保軍營潛回復在羅家樓地方豎旗聚眾之吳錫貴等仍著嚴飭員弁跟蹤追捕迅速殄滅將此由六百里各諭令知之○諭傳諭護陝甘總督恩麟恩麟奏陝省逆回竄入清水縣境並北路鹽茶土匪裹脅日眾添兵捕剿並回匪竄陷恭門鎮川匪闖入兩當縣各摺片陝省逆回由華亭闖入清水縣境都司范正春接仗失利賊勢頗形猖獗見經恩麟派楊永魁等帶兵前往卽著嚴飭該鎮道等實力堵剿不得再涉延誤護循化營參將范正春損兵失械厥咎甚重著卽革職畱營以觀後效知縣趙桂芳在恭門鎮堵禦何以被賊闖入恐有退縮情事著卽查明參奏張家川地方武舉馬

獻瑞李朝順頗知順逆約束回眾卽著恩麟加意籠絡李朝順如
有忿賊自盡情事並著查明奏請優卹賊匪圍攻靈州道員侯雲
登以署甯夏鎮慶興未能得力懇請兼署以資調遣足見該道任
事勇往不避艱險頗堪嘉尙甯夏鎮總兵員缺卽著以侯雲登兼
署該道旣自稱確有把握卽責成迅速撲滅屆時必當從優獎敘
慶興精力旣衰豈能勝專閫重任見在雖已撤任著卽查參毋得
遷就恩麟委侯雲登署總兵缺雖非舊制但軍情緊要之時全在
大吏隨機應變方無貽誤該護督辦理此事正能審度緩急不爲
成例所拘所請交部議處著毋庸議甯夏滿兵被賊衝散其帶兵
官平日漫無紀律已可概見該將軍如有廢弛情事恩麟不得稍
避嫌怨卽著查明一併嚴參川匪闖入兩當該護督已飭琫武帶
兵進剿著卽飭該署道嚴加扼堵毋令與清水回匪勾結此股川

匪係何頭目何以毛震壽任令西竄是否勦辦不能得力該護督
如有聞見並著查明奏聞甘省無帶兵大員調度久虛馳系前諭
熙麟於由陝起程時商調馬德昭回任約計下月初間援陝之楚
軍可到屆時卽當催該提督帶兵回甘以資統率此時惟有就見
有兵力妥爲布置毋稍大意將此由六百里諭令知之○允山東
荏平等縣改徵粟米○戊戌諭議政王軍機大臣等都察院奏山
東紳士趙方伊等赴該衙門呈訴幅匪騷擾張逆首劉雙印等立寨
蓄髮推宋斌爲僞王萬甲申等爲僞將軍不但蘭鄆以西費縣以
南盡爲賊巢卽已經克復之紅山底閣旺山等圩仍爲賊窟該匪
西連教匪南結捻逆官爲難剿而議撫賊爲緩兵而納款一誤再
誤逆燄益張惟該匪素畏僧格林沁威名若得分軍駐沂佐以本
處兵團庶可轉危爲安等語東省幅教各匪占踞民圩蔓延甚廣

該省本無得力將領而地方官又不知兵該紳士等呈訴未破良圩危在旦夕深慮匪勢日熾良圩益蹙剿辦更形棘手前因德楞額失利諭令僧格林沁派員接統其眾著卽嚴飭派往之員星速前進務將德楞額所部實力整頓重振軍威該大臣見在深入皖境似難撤回東省俟張落刑一股辦理完竣李續宜已到皖省剿擒事宜能交該撫專任該大臣卽可回剿東匪儻必須會同攻剿並著商度具奏至東省軍務本歸僧格林沁節制著嚴飭該省帶兵員弁督同各處鄉團認真攻剿如該匪分股圍撲民圩官軍卽隨時策應互相保衛儻該員弁救援不力以致良圩被賊攻陷該大臣務當據實參奏從重懲辦俾該省軍務日有起色殄除逆匪綏靖地方將此由五百里諭令知之○奕樸軍潰於靈州 上切責之仍諭令認真兜剿○己亥曾國藩彭玉麟楊岳斌奏僞護王

陳坤書等所擁眾四五萬突入太平府之張公橋圖犯金柱關橫斷甯國金陵之氣臣玉麟以該隘下達高瀋溧水上通灣沚蕪湖爲中段第一關鍵閏八月十三日飭水師各營禦賊於花津護駕墩五戰卻之賊退踞薛鎮十八日疊報賊以戰艦數百由東壩拖壩而來意圖上竄臣玉麟親率王吉等各駕飛刳入湖迎擊詎薛鎮之賊節節近竄潛約賊船銜尾而西環撲花津上駟渡之下臣岳斌一聞此警畱羅進賢萬化林水軍於大勝關幫助金陵陸師白帶丁泗濱彭楚漢等五營力疾赴援金柱關適羅逢元朱南桂等陸軍先在姚老圩毀賊浮橋獲勝一次從此水陸各軍相爲犄角賊乃數日不敢過河九月初五日賊糾大股至龍山橋先以排礮拒我師船還於淺水中流結筏偷渡朱南桂率三哨馳擊羅逢元復督隊突至直搗核心朱南桂斜刺而入截賊數段縱橫掩殺

未及濟者悉驅入河賊又增黨數千倚河築壘以冀乘間再逞初
六日賊以大隊進逼金柱關水營各船齊開排礮逆眾稍退初八
九等日朱南桂張定魁等率領各營涉流而渡盡焚隔河諸壘擊
斃多賊羣賊始竄往魚爛於是諸將弁會師十八日水陸大舉同
時分道並進遇賊於花山周萬倬一騎當先所向辟易曾泗美同
團防兩營哨橫躍入陣賊不能支且戰且走朱南桂羅逢元又分
兩路鈔出賊益震懼不知所措爭向上駟渡紛紛竄遁復被彭楚
漢蔡國祥等截殺棄屍駢積河水不流自上駟渡至龍山橋聚賊
不下萬餘無一存者其窩頭護駕墩等處袤延百餘里尙無賊踞
臣玉麟復飭成發翔喻俊明水師梁美材周萬倬吳坤修陸師暨
王可陞等各營會合水師李朝斌楊友德李助發等十營於二十
一日侵曉出隊先毀平窯頭數壘乘勝復破花津兩岸堅巢獲賊

剿七十隻焚賊糧數萬石朱南桂羅逢元兩隊亦盡洗青山踞賊以歸二十四日象山後又突出大股前來猛撲周萬倬王可陞等帶隊迎擊將象山賊館悉數焚毀並將采石磯另股賊援驅出薛鎮小月陽一路二十九日成發翔喻俊明將高淳賊船奪獲四十餘號自是賊船之由東壩招來者存畱無幾見在蕪湖金柱關六十里內已無一賊此次諸將士苦戰五旬始終不懈可否俟金陵賊退後容臣等彙案酌保出自逾格 鴻施 上諭內閣曾國藩等奏稱水陸各營疊獲勝仗力保蕪湖金柱關要隘一摺所有在事出力員弁兵勇著准其彙案保奏以示鼓勵○曾國藩奏北路金陵大營自九月十二日地道轟發我軍搶堵獲勝後賊氛稍衰而日夜掘開地道仍不少息曾國荃飭各營添修內牆內濠又募死士乘夜突入賊營塞其地穴擒斬其酋又於內掘地道以迎之

前後凡破賊之地道七處羣賊智盡能索至十月初五日出濠大戰破賊壘數十座僞忠王之精銳損折極多又撥賊數萬回救太倉州兇燄彌滅或可解圍以去中路蕪湖金柱關等處九月十八日大捷後又有二十一二十九等日勝仗賊船焚奪幾盡守局穩固南路甯國府一帶鮑超於九月二十一日出隊小挫一次該逆一面在上游與鮑超相持一面在下游灣沚等處與水師相拒十月初五日已渡過清弋江之西岸梗塞鮑超糧路深恐其內犯南陵由池州而竄江西臣於九月十二日摺內所陳可慮者四端今三患稍紓可慮者專在甯國一路再能支撐一月新募之勇一到鮑超能出營痛剿或可力遏賊氛不令上竄又奏潁州以西捻圩林立著名巨捻曰胡麻三其次曰馬秉政曰馬大呆曰張壠周有功霍城玉楊禿子等徒黨眾多蠶食良圩侵地日廣安徽撫臣李

續宜未離任時潁州官紳請兵勦擒卽經批飭提督成大吉道員
毛有銘兩軍均駐固始之望岡集以成大吉居守老營毛有銘進
剿擒巢共議以爲肅清潁西必自大莊湖始大莊湖者阜陽擒巢
之門戶也毛有銘率潘立勳蔣凝學各軍於閏八月十五日渡淮
而駐百步岡十九日涉洪河過方家集遂次大莊湖偪近擒圩該
擒逆突出千餘人來撲毛有銘以立營甫成暫不出擊密令守備
陳定邦等多收秫桿以備詰朝之戰二十日派王玉藻李致和等
徑取馬秉政一圩四面合圍猛攻數次相持不下李致和乃遣死
士晁水倫渡舊壘圩埂奔裂三丈有奇軍士各員秫桿填濠擁進
躍入內濠舉火焚屋烈燄中逸出數百人經李贊勳馬步各隊併
力追及悉就誅夷毛有銘移全勝之師偪馬大呆之圩見圩內皇
遽欲遁以輕兵襲而取之擒悍賊馬政俊等二十二名餘悉解散

二十二日毛有銘先令各營出隊以截胡麻三楊禿子來援之路
自將親兵進薄周有功捻圩乘勢猛進襲殺無算遂將牆濠一律
鎗平時有附近四圩張壠鄧三瞎子劉老黃孫耀武等聞馬圩相
繼而下自知不敵棄圩颺去惟霍城玉楊禿子潛結河南息縣捻
黨數千入圩助守於二十九日突遣馬步七千餘眾撲近我營毛
有銘分軍迎戰各營哨麾兵壓下馳逐數里殲斃盈千九月初二
日毛有銘率兵圍霍城玉楊禿子各圩而霍城玉已率黨西竄我
軍焚圩尾追另有蔡大城一圩及謝寨捻眾皆望風驚潰楊禿子
正在拒戰回顧霍圩火起諸捻星散奪路思奔信中等四營各抽
刀騰蹕而入斬馘頗多各圩既破所必爭者惟劉家寨堅圩多集
亡命實與胡麻三捻巢爲犄角又得胡麻三糾眾馳援其勢尙熾
初五日毛有銘先分兩營橫截援賊繼令六營昇礮環轟各營將

士而面鈔入盡屠圩中諸匪無一得脫伏尸駢積惟胡麻三一圩恃有胡二老添李前林全立中蘇性三胡俊三各圩鼎足雄峙依護老巢初八日我軍列隊誘敵該數圩果出大股來撲毛有銘飛令各營奮勇橫擊斬殺二千餘匪諸圩悉平維時胡麻三總圩猶負嵎死守各軍更番疊進以中左營勦中營張兩翼急攻前圩誘悍賊盡聚於前而信中等營從西北乘虛徑渡內濠該捻等方欲回戈轉鬪而中右營又從圩前踰濠攻入亭右毅左勦中等營從圩東越牆縱火合軍勦洗誅戮幾盡僅胡麻三與十數零匪潛向亂軍中竄逃正擬催令各營乘勢進勦乃髮逆馬融和等有由羅麻入皖之信臣調成大吉由英霍一路防勦鄂城不得不調毛有銘回軍固始致穎西勦捻功虧一簣未能全數肅清穎州紳民泣求畱兵捍衛毛有銘灑涕慰勞畱亭右毅左勦中等營各駐阜陽

之西以資防禦 上諭議政王軍機大臣等此次逆目李秀城等
乘我軍疾疫之時糾眾來犯情形危險該大臣調度合宜曾國荃
等水陸各軍均能裹創血戰轉危爲安深堪嘉尚第回思前此危
迫之際我君臣尤當同深警懼以迓 天庥甯國雖偶爾小挫鮑
超謀勇兼優諒能支持惟該逆已過清弋江西岸梗塞該提督糧
道聞該郡徧地荒涼軍食轉運甚艱必得疏通糧路方可無虞所
有新募之勇一時尙難趕到能否於徽浙各防就近酌調兵勇以
厚兵力卽著曾國藩妥爲籌畫金陵援賊經曾國荃等殺賊數萬
必可望其解圍而遁第該藩司兵力本不甚厚恐日久逆黨復生
詭計非鮑超之軍由東壩馳往會剿則成相持之勢故甯防甚關
緊要非獨逆賊內犯南陵掣動大局爲可慮也前調林文察一軍
歸左宗棠節制而令該大臣於蔣益澧所部酌量調撥見在湯谿

已否攻克蔣益澧之軍能否分調數千名赴甯著曾國藩籌商辦理另摺奏官軍疊破潁西捻圩並攻毀胡麻三老巢一摺勦辦甚爲得手出力各員著曾國藩查明具奏候旨施恩毛有銘勦辦潁西捻圩雖已領其巢穴惟因馬融等有由羅麻入皖之信不得不調回原駐各處致使捻圩未能廓清殊爲可惜胡麻三等本係與粵逆勾結又與新息各捻聲息相通若任其連而爲一必致乘虛四竄官文嚴樹森見飭周鳳山等攻勦信確等處捻圩著卽飭令嚴防毋令勾結爲患儻東竄陳潁則豫省應一體兜勦並著鄭元善毛昶熙派兵截擊潁州見有何員帶兵駐紮著曾國藩唐訓方查明飭令會合毛有銘所畱兵勇將潁西未經肅清地方迅速勦洗淨盡斷不可任令竄入河南界內將此由六百里各諭令知之○予江南陣亡副將郭明鼐等祭葬世職○庚子諭議政王軍機

大臣等本日有旨將閻敬銘賞給二品頂帶署理山東巡撫山東省爲畿南屏蔽見當捻幅棍教各匪紛乘地方極關緊要軍務吏治整頓需人閻敬銘前任鄂省監司辦理諸務均能認真妥辦今朝廷破格用才不得已而奪情起用者係爲地方緊要急須擇人而理該署撫膺特達之知當茲時事多艱自必能矢金革毋避之義移孝作忠感激馳驅以圖報效閻敬銘接奉此旨著卽由寄居臨晉地方卽行馳赴新任毋庸拘守百日孝滿之期並著將起程日期迅速馳奏以慰廑系將此由五百里諭令知之○諭本日已有旨將閻敬銘賞給二品頂帶署理山東巡撫並寄諭該署撫速赴新任毋庸拘定百日孝滿之期諒該署撫當茲破格擢用必能感激馳驅力圖報效朝廷以山東省屏蔽畿南需人整頓不惜破格用才以資治理閻敬銘久任鄂省監司辦理諸務悉臻妥協並

疊經胡林翼及官文嚴樹森等切實保舉堪勝方面之寄諒非徒託空言刻下兗沂各郡賊匪充斥東省官民呼籲甚殷僧格林沁大軍見值進擣蒙亳捻巢正當喫緊之時勢不能再由亳巢分兵回剿閻敬銘到任後必須添兵調將方能施展著官文嚴樹森毛鴻賓於湖南湖北兩省豫爲選募新勇部勒成軍並遴委得力將弁管帶卽行馳赴東省俾閻敬銘一到卽得如意指揮以收速效其行裝口食等項著官文等籌款給發以利軍行並將所需餉項卽由楚省源源籌濟安東省卽所以安畿輔官文等素顧大局諒必能竭力籌畫無分畛域也前此疊經諭令多隆阿督兵入陝該將軍隨營雖有李宗燾王開福二員而入陝以後事務較繁隨營得力文員爲數尙少著官文嚴樹森於楚省道府以下等官素稱得力者酌添數員前往以資臂助將此由五百里各諭令知之○

諭譚廷襄本以山東巡撫兼署河東河道總督閻敬銘未到任以前譚廷襄責無旁貸見在山東教幅各匪勢甚蔓延雲谷山官軍近復失利莘冠等處降眾旗報復沂州府匪圩林立各處伏莽甚多軍務極關緊要譚廷襄於各路防剿及地方事宜仍當妥爲籌畫實心經理不得存五日京兆之心稍涉鬆勁儻因交卸在即意存敷衍因循廢弛貽誤事機致該省益形糜爛必將譚廷襄從重治罪至各營將士及各該地方官如或不遵調度未能用命仍准譚廷襄據實參奏從嚴懲辦斷不患呼應不靈也將此諭令知之○諭徐宗幹奏勦辦臺灣及延屬匪徒情形一摺臺灣彰化匪徒頻犯鹿港軍營署總兵曾玉明等屢次敗賊於大腳佃莊等處並將潮洋厝等處匪巢攻毀各屬官民同心防禦不至滋蔓大局尙稱安定惟此股匪徒滋事日久尙未殲盡徐宗幹務當飭令在

事文武聯絡紳勇速行勦除延順匪首李阿四等匪黨雖經委員沈振等搜捕多名而匪首尙未就獲著卽嚴飭該地方官認真查緝以淨根株另片奏請簡放福建督糧道員缺等語趙景賢是否殉難尙未經左宗棠查明確實具奏未便遽行開缺著徐宗幹於前保閩省賢員及畱閩差委各員內揀員奏委署理俟趙景賢下落查奏到時卽行簡放將此由五百里諭令知之○賞丁憂湖北按察使閻敬銘二品頂帶署山東巡撫○嚴定各省復奏及交查事件期限○癸卯諭議政王軍機大臣等鄭元善奏官軍追擊皖捻出境見移紮汝州籌剿髮逆一摺另片奏汝軍連破賊寨剿撫兼施各等語竄豫捻匪經副將楊長春等追剿已由陳州府奔竄回巢其竄擾南陽粵匪據稱見由新野鄧州竄至淅川之橋鎮店勢將入陝並恐由盧氏朱陽關回竄潼關與本日勝保張之萬所

奏由楚竄回之匪擾及內鄉所屬之李官橋情形大略相同該撫
見催劉車龍督率宛屬三營相機進剿並慮及河洛空虛派李世
玉前赴盧氏朱陽關以堵該逆由內鄉西竄之路布置尙爲周妥
著卽迅飭劉車龍李世玉等分投堵遏毋得專恃楚師致該匪得
以乘閒入陝如堵遏不力惟鄭元善是問封疆大吏勦賊是其專
責在實效不在空言勿謂朝廷耳目可欺也鄭元善所請駐紮汝
州分投策應卽著照所議辦理並著毛昶熙嚴飭在事將弁會同
龔毓華調集團練實力堵剿毋得稍有疏虞多隆阿由樊城馳赴
潼關如經由處所遇有捻逆股匪卽著督軍隨時勦賊庶免賊股
乘大軍已過又圖窺伺陝省張曜等攻勦汝屬踞匪疊獲大勝計
攻克收撫共十九寨軍威已振著卽激勵諸軍迅將陳大喜老巢
攻拔所有被脅各圩如果真心反正並著飭令在事員弁分別安

撫俾賊勢日孤則勦洗更易得手鄭元善另片奏遵旨遴委道員
德蔭駐紮歸德辦理該處善後事宜等語既據該撫奏稱德蔭明
幹有爲辦事精細著卽責成該員將撫馭居民安插降眾及疏通
餉道各事宜妥爲辦理其能否得力仍著隨時察看毋稍瞻徇將
此由六百里各諭令知之○諭勝保奏擊退竄擾邵陽回匪及請
飭穆騰阿幫辦軍務並飭調盛京等處馬隊各摺片同州地偏晉
疆爲回匪巢穴所聚該大臣旣擬帶兵前往自應妥爲布置未便
卽行回駐潼關致官軍支絀情形爲回匪窺破但兵力不敷兼顧
亦係實情穆騰阿見已抵陝卽着會同令該將軍駐紮潼關以專
責成庶該大臣不至爲所牽制該將軍旣與該大臣共事有年諒
可相助爲理准其幫辦軍務盛京等處馬隊已寄諭該將軍等迅
速酌調第恐到陝需時該大臣仍就見有兵力速籌攻勦毋得坐

待援兵致誤事機成明所統京營步隊卽著撤還回旗以資調養
將此由六百里各諭令知之○明誼等奏俄國臣蘇勒官雜哈勞
堅執常住卡倫爲詞經臣等按據地圖與之理論雜哈勞因不遂
所欲遽行回國臣等仍以禮護送唐努烏梁海蒙古等部落及哈
薩克等各遊牧聞臣等議界未將該處分給他國無不感激歡欣
誓志效順其人實屬可用奏入命明誼等堅持定見相機妥辦○
撥四川鹽釐銀十萬兩濟伊犁餉需○甲辰諭議政王軍機大臣
等遮克敦布奏濮捻聚眾立時撲滅並冠縣降眾沿途滋擾見派
兵勇追剿一摺上年直東交界地方捻教各匪肆擾雖經官軍剿
撫並用地方稍靖而各處伏莽尙多本年十月間吳錫貴等在范
縣羅家樓地方聚眾豎旗起事欲往濮州吳家樓報讐經該副都
統等派都司崔福泰帶領兵勇馳往剿辦業經在江家樓地方斃

匪百餘名生擒匪夥三名惟吳錫貴等已往王家壩堆一帶逃竄若不起緊兜拏勢必到處煽惑又滋延蔓著遮克敦布秦聚奎卽飭帶兵員弁會同地方官實力搜拏毋畱餘孽冠縣降眾張錫珠等以投營爲名沿途搶掠且勾匪抗拒官兵何以冠縣知縣李煥指爲降眾率行稟送到營亦可見其漫無覺察有無縱容諱飾情弊著遮克敦布等查明緣由詳細具奏該副都統見派謙禧等追勦已將夥黨擒斬並添派總兵伊綿阿等督兵跟追著卽責成該鎮道等嚴密捕拏按名弋獲至該匪等已四出滋擾其巢穴仍在冠縣並卽責令知縣李煥督帶捕役兵團卽將匪巢平毀以贖前愆如再不認真辦理卽行嚴參懲處將此由四百里諭知遮克敦布並傳諭秦聚奎知之○乙巳諭內閣向來停止勾決年分遇有情罪重大之犯例由刑部開具事由另行奏聞請旨正法乾隆年

開疊奉

諭旨如三十六年係停句年分而官犯王鉦等罪無可

追卽予正法成案可稽本日刑部具題朝審情實官犯一本內已革兩江總督何桂清一犯自常州節節退避展轉逃生致蘇常等郡全行淪陷迨奉 文宗顯皇帝嚴旨拏解來京猶敢避匿遷延

遲至兩年始行到部朝廷刑賞一秉大公因廷臣會議互有異同酌中定議將該犯比照帶兵大員失陷城寨本律予以斬監候秋後處決已屬法外之仁今已秋後屆期若因停句之年再行停緩致情罪重大之犯久稽顯戮何以肅刑章而示炯戒且何以謝死事諸臣暨江南億萬被害生靈於地下何桂清著卽行處決派大學士管理刑部周祖培刑部尙書綿森卽日監視行刑嗣後如遇停句年分仍著刑部遵照向來成案將情罪重大之犯另行奏明請旨○諭議政王軍機大臣等多隆阿回援陝省疊諭行抵潼關

卽行跪奏本日據瑛奏陝省見在賊勢日益蔓延擬請分兵三路以同屬及臨渭爲一路以省城附近沙河高陵等處爲一路以咸陽涇陽迤西爲一路交勝保多隆阿雷正綰會商將馬步兵勇均勻分撥各辦一路等語果如所奏必致有事權不一之患從來兵權必先有所統一而後能分布各路一氣貫注互相援應今朝廷信任該將軍甚專到陝後自必畀以重權惟賊勢蔓延日廣如何籌撥布置分路堵禦其素無紀律之兵必須併歸該將軍統帶者如何分別駕馭安插一切機宜均著豫爲籌度先有成竹在胸庶幾臨事決機更臻妥善馬德昭一軍俟省城防守有人接替後須飭令前赴陝西甘肅交界地方駐紮以防逆回竄越並著該將軍於到陝後妥籌辦理將此由六百里加緊密諭知之○諭駱秉章奏官軍攻剿周曹兩逆疊獲大勝並將川省剿辦各匪情形據

竄獲奏各一摺滇匪曹燦章一股於大竹開縣太平等屬地方竄
被官軍擊敗餘匪奪路逃生其竄踞涪州鶴遊坪之周紹湧一股
由墊江梁山開縣雲安一路奔竄官軍馳剿斬獲甚多餘賊勢難
復振惟曹逆餘匪雖已無幾而見由秋波亡命老林尙復千餘之
眾該處近接陝南山深箐密若令喙息稍定恐致死灰復然剿辦
又形棘手著賚秉章務卽嚴飭道員張由庚分兵入山搜剿務期
乘勢淨絕根株毋畱餘孽並飛飭毛震壽就近督飭漢南一帶與
川省接壤之地方文武嚴防要隘毋令餘賊乘閒竄逸本日復據
瑛榮奏稱郭逆一股已擾及寶雞一帶川匪又已由太平竄入定
遠石泉一帶欲與藍逆會合漢南情形萬分喫緊等語陝南地方
毛震壽所部以兵勇數千剿辦藍逆股匪斷無餘力他顧陝回正
肆鴟張勝保等軍更復不能遠及川竄既由太平竄入陝境卽著

駱秉章督飭雲陽開縣跟蹤各軍實力追剿並酌量情形卽分撥楚軍攜帶糧餉馳赴陝境與前此派往之易佩紳一軍會同陝省兵勇併力迎頭兜剿將周郭等逆迅速翦除卽藍逆亦可早圖殄滅川省李短搭搭一股已滅周曹二逆均屬敗殘如能以次廓清地方卽可漸期綏謐陝南羣匪肆逞必得川省勁旅分軍越剿駱秉章素顧大局自不肯稍存以鄰爲壑之心以驅賊出境爲了事也瑛榮韓超各奏餉源缺乏請飭川省籌濟等語黔省本屬邊瘠見當粵逆股匪竄擾邊境軍餉更爲緊急卽著駱秉章督飭藩司將欠解黔餉速行籌撥以濟急需毋稍膜視至陝省司庫空虛軍需萬難籌濟既據該省紳士請於四川省城及省外各會館存款借提並於在川之陝商捐借並行業經瑛榮咨明駱秉章辦理著卽責成按察使牛樹梅督率蔣若采强望泰王輅等實力勸辦該

員等均籍陝甘自必情殷桑梓竭力妥籌一俟軍務告竣仍即將所借歸款將此由六百里諭令知之○諭韓超等奏勦辦銅仁賊匪逆首投誠郡城肅清並生擒攻陷天柱各城首逆及回匪占踞普安廳城派兵勦辦各摺片銅仁逆首蕭文魁率眾投誠並作內應攻克大小青山兩屯銅仁境內一律肅清辦理尙爲得手著韓超卽飭知府陳昌運等搜捕餘匪安撫居民毋令再事煽亂蕭文魁及各屯頭目既能立功自贖著准其免罪交該地方官妥爲安插仍須隨時查察辦理至攻陷天柱各城之首逆姜映芳前經毛鴻賓奏該匪繞赴副將曹元興營中乞降等情當經諭令韓超密拏妥辦茲據該署撫奏稱姜映芳由漢塞逃入高拐地方聯合苗匪冀圖復擾經曹元興帶勇進剿該逆率眾死拒我軍四面兜圍姜逆無路逃竄常被官軍生擒解回銅仁等語與毛鴻賓所稱情

形不同是否臨陣生擒抑係因該逆乞降誘擒著韓超查明具奏
該逆首梃惡多年白應處以極刑其手下黨與仍著按名弋獲盡
法懲治另片奏回眾四五千人以議和爲名齊進普安廳城將署
同知錢壩等看守各匪分踞文武衙門占住民房見在添調官兵
辦理等語該匪等膽敢占踞廳城卽與叛逆無異著潘鐸韓超添
調兵勇派委得力將弁前往剿辦潘鐸是否由黔起程見在行抵
何處卽著迅速馳奏如在黔尙未起行卽將此事妥爲籌辦以免
匪徒勾結普安廳屬疏防各員並著韓超查明參處將此由六百
里各諭令知之○諭前因韓超奏徐之銘委令回教馬聯升署理
貴州安義鎮當經寄諭徐之銘黔省軍務方殷馬聯升人地未宜
飭令卽行撤回嗣復據徐之銘奏酌派回目馬助教等前往興義
招撫回夷等語乃本日據韓超馳奏馬聯升先派委員桂金輪至

普安廳議和署同知錢堦署遊擊鄧逢霖與在城紳民因有和議疏於防範閏八月初八日回眾四五千人以議和爲名齊進廳城卽將錢堦鄧逢霖看守各匪分踞文武衙門並占住民房搶擄姦淫無所不至覽其所奏殊堪詫異徐之銘旣稱滇省撫局大定並欲招撫鄰省回夷且歷次憑陳馬如龍結實可靠此次復因興義回教張翎翔與馬如龍素識令其函致勸導何以反令回眾數千竟占廳城大肆猖獗殊不可解黔省軍務未竣豈容再令回民紛紛起事致蹈滇省上年故轍著徐之銘懍遵前旨迅將馬聯升等卽行撤回其釀變憤事情形卽著迅速查明具奏將此由六百里諭令知之○丙午毛昶熙奏查歸德地方前因擒匪連年竄擾民不安居經臣帶兵駐宋次第驅除先後收復洪樓周堂大孔集閭集等寨本年五月間會合僧格林沁將金樓王雙樓踞匪剿滅淨

盡八月間又將馬厰攻克並派兵克復盧廟賊圩歸德八屬一律肅清閩閩俱已安謐見在僧格林沁進剿毫東捻巢親駐劉集疊獲大勝匪眾膽寒宋郡門戶無虞竄越惟匪首陳大禧張淵林等所踞巢穴陳寨張寨最爲堅固明港陡溝皆係要衝應將四處老巢先圖攻克兵威旣振勦撫兼施其餘皆迎刃而解矣總兵張曜等圍攻陳寨業經數月節次擊退外援寨中甚爲窮蹙仍應責成該總兵等趕緊攻拔臣此次帶兵赴汝或由確山進兵明港或由正陽進兵陡溝皆係攻其要害而明港係驛路要道該匪盤踞其中南北隔絕故此路尤爲緊急近日總兵李續燾一軍已將龍井攻克渡過淮汝進圖明港賊以全力拒之臣由確山派兵而南與李續燾之兵會合夾擊必易得手明港旣克驛路可通汝甯光州互相聯絡然後進取陡溝張寨等處不難一氣呵成惟用兵日久

各營多有傷亡擬令遊擊鄒復勝等赴楚另募精壯勇丁聽候調遣因此項勇丁急切不能到營見在先令總兵趙鴻舉添募馬勇一營副將陳祿興添募步勇一營均可卽日成軍以資攻剿至汝甯團練經臣時加整頓尙稱勇敢臣親至該郡並可隨時號召以爲官兵之助上諭內閣本日據毛利熙奏稱歸德府屬一律肅

清一摺河南歸德府屬地方自咸豐三年髮捻各逆往來滋擾焚殺擄掠村落爲墟吾民火熱水深情殊可憫見在雖據奏一律肅清而民氣未復民困未蘇招集拊循在在均關緊要著鄭元善遴委廉能公正之守令前往該地方招集流亡加意撫綏所有錢漕等項酌量奏請蠲緩以副朝廷嘉惠元元綏靖閭閻至意○諭議政王軍機大臣等官文等奏官軍剿賊疊勝全楚肅清並鄭元善奏攻復龍井詳細情形各摺片此次匪逆由豫闌入楚境疊陷城

池經舒保穆正春等分東西兩路督軍扼勦力挫賊氛又經多隆
阿回援之師迎勦北路該逆面而受敵敗竄出境全楚一律肅清
勒辦實屬出力已明降諭旨將舒保等優加獎資矣惟昨據鄭元
善奏髮逆竄至浙川地方恐由盧氏朱陽關圖竄潼關等語是此
股敗匪尚未殄滅深爲楚豫秦三省之憂官文素顧大局於鄰省
軍務每能派兵越境勦賊所向有功見在楚境業已肅清何以未
將會勦事宜妥爲籌畫歐陽正塘等兵調回後並未聞派令越境
追勦至所稱襄陽一帶酌派舒保穆正春等統領分路駐守各情
布置固屬周密第以兵自守究不如以勦爲防尤爲合策楚豫同
係朝廷疆土如豫省之官不能得力其黜陟自在朝廷該大臣等
旣知豫省之兵不能得力正不容坐視不救仍著官文等酌撥勁
旅趕緊跟蹤追勦將竄豫髮逆就地悉數殄滅毋令游魂喘息擾

害地方豫省兵勇本不得力全在該撫激勵整頓轉弱爲強方足以資捍衛鄭元善身爲封疆大吏不思爲自強之謀而惟咎鄰省之攘其功尤屬非是該撫務當極力振作督飭宛軍會合楚省追剿之師迅將髮逆餘黨實力迎剿毋得再事因循貽誤軍事致干重咎李續燾一軍攻復龍井並剿撫蕭王蕭曹等寨剿賀蓀規復明港驛路可望疏通卽著飭令該員等迅速妥辦毋稍遲延將此由六百里各諭令知之○諭官文奏飛催多隆阿一軍馳赴潼關扼剿一摺據稱髮捻各逆經楚軍分道截剿回竄豫境全楚一律肅清遵旨催提多隆阿趕於十月初旬拔隊西行見於前敵軍餉移緩就急湊撥銀十萬兩及應用軍火器械分批運赴襄陽轉解請飭陝西巡撫於關中設立轉運糧臺等語多隆阿督軍援陝入關後距楚較遠該將軍行營餉需自應就近由陝省轉運著瑛棨

酌度該省情形迅卽設立轉運糧臺遴委妥實可靠之員前往辦理所有該將軍應需餉項並著瑛棨迅速籌畫源源接濟將此由五百里諭令知之○諭毛昶熙奏歸德屬境肅清見擬帶兵馳赴汝甯勦辦陳逆股匪並辦理各情形一摺汝甯股匪陳大濬等以陳寨張寨爲巢穴明港陡溝皆係要衝張曜等圍攻陳寨賊甚窮蹙該侍郎擬帶兵赴汝甯會同李續燾一軍先攻明港然後進取陡溝張寨等處卽著照所擬辦理惟軍情朝夕變遷著該侍郎到汝後酌量情形相機籌辦務須將陳寨等老巢攻拔則首匪無難卽日成擒汝甯全屬可望肅清鄒復勝等赴楚募勇需時卽著飭令趙鴻舉等添募馬步各勇剋日成軍以資攻勦至激勵鄉團尤爲該侍郎專責汝甯團練旣稱得力卽著隨時號召期於兵團會合迅掃賊氛將此由四百里諭令知之○諭劉長佑奏潯州官軍

連破貴縣賊巢及會同楚軍收復修仁縣城並接奉寄諭遵籌辦理情形各一招貴縣股匪疊經官軍水陸並進攻破陸村三坪甘村等處是軍務較有起色惟該處地當衝要道黃逆老巢尚未掃除著劉長佑張凱嵩嚴飭該鎮道等實力攻剿剋期殄滅其蓮塘股匪地險人多尤應趁此楚軍會剿之時迅圖攻克著該督等懷遵前旨飭易元泰等會合進剿不准稍有粉飾粵東督撫均未到任勞崇光見令赴黔劉長佑自當迅赴新任以資統率卽著嚴催藩司劉坤一剋期赴潯以便將軍務面行交卸該督兼轄粵西務飭劉坤一迅將黃逆殲除節節掃蕩至粵西股匪除平樂潯州兩處外其餘尚有若干處並著該督等據實分晰具奏劉長佑於履任後將前諭辦理各件竭力整頓毋得徒託空言致負委任將此由五百里各諭令知之○河南巡撫鄭元善奏遵查苗沛霖已赴

展溝勦賊並無入陝情形報聞○丁未諭議政王軍機大臣等譚廷襄奏督軍堵勦教幅各匪情形並圍攻淄川獲勝及范縣地方搜勦匪犯各摺片覽奏均悉嶧縣官軍挫失之後棍幅各匪勢燄復張教匪亦卽乘機勾結譚廷襄調派定順范正坦兩軍及海羣馬隊豫爲準備匪勢尙未遽合惟兵分力單受賊牽掣見在雲谷山匪徒旣與教匪通氣費縣之范家崗等匪均在教匪巢穴東南亦復日夜窺伺希圖乘隙而入亟應先行攻勦方能斷絕勾通前因德楞額貽誤軍情降旨革職並著僧格林沁揀派委員前往接統其眾此時該處軍情喫緊該大臣務卽懷遵前旨迅派得力大員前往嶧縣一帶接統德楞額所部認真整頓先將踞守雲谷山之劉雙印一股迅速勦滅譚廷襄仍就見有兵力實力勦堵並督飭各路團練協同守禦毋得稍涉大意淄川踞匪經官軍疊次圍

攻其勢漸蹙著譚廷襄嚴飭陳顯彝等迅圖攻拔不得任賊紛竄
吳錫貴等在范家樓地方聚眾起事經官軍擒斬多名餘匪解散
惟匪首吳錫貴于永合等逃往濮州水套藏匿必應迅速拏獲以
淨根株前已諭令遮克敦布等趕緊兜剿著譚廷襄飭令在事員
弁會同遮克敦布等派出之兵迅將吳錫貴等按名弋獲不可任
其漏網將此由六百里各諭令知之○諭前因滿慶等奏喇嘛因
布施爭訟等情當以該大臣所奏情節支離恐有納賄激變情事
諭令景紋於抵藏後詳細查據實具奏嗣據駱秉章奏訪聞喇
嘛啟釁根由係因布資紉寺堪布剋減布施致啟爭端滿慶等爲
糧務李玉圃遊擊懷唐武等徇蒙蔽兵民均爲不平與滿慶等
歷次所奏各情迥異是滿慶等之有意欺飾已可概見茲據文志
奏稱拏獲噶徵呼圖克圖呈遞冤詞譯漢呈覽一摺覽其呈詞因

布施銀兩啟毀滿慶既不爲辦理又納汪曲結布之賄以致釀成
事端等語與駱秉章訪聞各情大略相同雖其中不免該呼圖克
圖一面之詞而滿慶等辦理失當已無疑義該羅沙族等有無恃
強欺凌滿慶等何以不爲持平辦理汪曲結布旣因事革退何以
又令代辦商上事務難保非受賄徇庇該呼圖克圖有無冤抑事
關邊疆要務必須徹底根究著福濟景紋於抵西藏後將喇嘛啟
毀情由切實查明秉公辦理儻滿慶有辦理偏私及受賄情事卽
行據實嚴參候旨懲辦以服衆心該呼圖克圖見在解京無難審
出實情福濟等斷難徇隱儻以事越萬里朝廷不能覺察稍涉欺
蒙別經發覺惟福濟等是問西藏事務與川省關涉甚多若藏中
不能安謐則川省亦難免征繕之勞並著駱秉章隨時密訪據實
奏聞將徵呼圖克圖呈詞著鈔給閱看將此由五百里各諭令知

之○命挑齊齊哈爾等處兵二百五十名赴山東助剿○是月疆
緩直隸天津等五縣災區山東濟甯等九十八州縣德州等四衛
東平所永阜等場水旱蟲災廣西橫州等四十二州廳縣歸德等
九土州被擾新舊額賦緩征山西薩拉齊廳被水新舊額賦